


改正

醫學正傳

五



京板校正大字醫學正傳卷之五目錄

○麻木門四十論

人參益氣湯

補氣升麻和中湯

補氣湯

脈法

丹溪方法一條

導氣湯

麻黃桂枝升麻湯

中和補氣湯

天麻黃芪湯

神効黃芩湯

祖傳三妙丸

○耳病門四十一論

東垣滋腎丸

黍粘子湯

脈法

丹溪方法九九條

柴胡聰耳湯

祖傳經驗方

蔓荆子散

○目病門四十二論

滋陰地黃丸

春雪膏

明目細辛湯

歸葵湯

脈法

丹溪方法九十條

撥雲退翳丸

爛翳驗方

復明湯

救苦湯

羊肝丸

神効明目湯

助陽和血湯

益陰腎氣丸

當歸龍膽湯

加味滋腎丸

還睛紫金丹

黃連膏

地芝丸

丹溪活套

○口病門 四十三論

益膽湯

鵬砂散

丹溪活套

○喉痺門 四十四論

通關飲

桔梗湯

瀉陰火丸

退翳膏

重明散

滌昏膏

眼睫方

祖傳固本還睛丸

脉法

柴胡地骨皮湯

碧雪

療本滋腎丸

龍膽飲子

石膏羌活散

金絲膏

點眼光明丹

經驗復明膏

丹溪方法 九三條

又丹溪方法 九四條

祖傳經驗方

脉法

又治喉痺方

又治喉痺二方

丹溪方法 九十一條

普濟消毒飲子

吹喉散

聖煙筒

○齒病門 四十五論

灸牙疼法

小兒走馬牙疳方

羌活散

立効散

神功散

擦牙止痛方

○鼻病門 四十六論

鼻淵防風湯

禦寒湯

○血証門 四十七論

人參飲子

祖傳方

脉法

治虫牙痛方

東垣射香散

白牙散

牢牙散

祖傳方

又祖傳方

丹溪方法 九十二條

走馬牙疳神方

草苴苜散

獨聖散

清胃散

又祖傳方

丹溪方法 九七條

温肺湯

又祖傳驗方

丹溪方法 九二十七條

三黃補血湯

脉法

麗澤通氣湯

祖傳經驗方

脉法

痰雜血出方

痰嗽吐血方

雞蘇散

犀角地黄湯

宣明地榆湯

烏梅丸

當歸和血散

秘方殺湯

升陽補胃湯

龍骨散

又方治前証

丹溪活套

大便下血經驗方

○痔漏門 四十八論

黃芪散

薏苡仁散

四生丸

結陰丹

槐花散

枳壳散

槐角丸

生地黃散

射香散

桃仁承氣湯

祖傳經驗方

脉法

痰帶血咳出方

又丹溪方法 九八條

聖餅子

椿皮散

加減四物湯

酒煮黃連丸

升陽去熱和血湯

玉屑膏

經驗瀉血方

抵當湯

髮灰丸

已試鑿驗 一條

丹溪方法 九十條

秦艽羌活湯

秦艽防風湯

七聖丸

祖傳七花丸

○汗証門 四十九論

麥煎湯

黃芪建中湯

河間白朮散

○瘧証門 五十論

瓜萎桂枝湯

大承氣湯

小續命湯

舉卿舉敗散

秦艽蒼朮湯

當歸郁李仁湯

秦艽白朮丸

又經驗祖傳方

脉法

調衛湯

四制白朮散

丹溪活套

脉法

葛根湯

桂枝葛根湯

防風當歸湯

丹溪活套

秦艽當歸湯

紅花桃仁湯

脫疔方 三條

丹溪方法 九四條

當歸六黃湯

正氣湯

祖傳經驗方

丹溪方法 二條

麻黃葛根湯

桂枝瓜蒌根湯

當歸補血湯

已試鑿驗 一條

厥証門 五十一論

活人書方法

茯苓甘草湯

吳茱萸湯

癲狂癩門 五十二論

龍腦安神丸

元戎二白丸

碧霞丹

牛黃清心丸

邪祟門 五十三論

素問五邪証

秦承祖灸鬼法

蘇合香丸

脉法

五味子湯

通脉四逆湯

蘇合香丸

脉法

神應丹

拔萃妙香丸

控涎丹

丹溪活套

脉法

五疔刺法

還魂丹

治魔死方法

丹溪方法 一條

桂枝麻黃各半湯

當歸四逆湯

丹溪活套

丹溪方法 九五條

錢氏五色丸

硃砂滾涎丸

牛黃瀉心湯

祖傳秘方

丹溪方法 一條

丹溪治婦人方法

桃奴丸

祖傳碎和丹

已試鑿驗 一條

怔忡驚悸門 四論

治勞役心跳方

温膽湯

八物定志丸

又祖傳經驗方

三消門 五十五論

猪肚丸

當歸潤燥湯

生津甘露飲

絳雪散

大黃甘草飲子

祖傳經驗方原蚕蠶湯

脉法

驚悸養心湯

定志丸

歸脾湯

丹溪方法 九三條

東垣安神丸

朱雀丸

祖傳經驗方

脉法

又丹溪方法 二條

生津甘露湯

黃芪飲

人參散

麥門冬飲子

丹溪方法 九二條

和血益氣湯

辛潤緩肌湯

人參白朮湯

六味地黄丸

丹溪活套

新刊京本校正醫學正傳卷之五

花溪恒德老人虞 搏天民編集

姪孫虞守愚惟明校正

金陵三山街書坊松亭吳江繡梓

麻木 四十

論內經曰風寒濕三氣合而為痺故寒氣勝者為痛痺濕氣勝者為著痺河間曰留著不去四肢麻木拘攣也經又曰痛者寒氣多也有寒故痛也其不痛不仁者病久入深榮衛之行溢經絡時疎故不痛皮膚不榮故為不仁夫所謂不仁者或周身或四肢唧唧然麻木不知痛痒如繩扎縛初解之狀古方名為麻痺者是也丹溪曰麻是氣虛木是濕痰死血然則曰麻曰木者以不仁中而分為二也雖然亦有氣血俱虛但麻而不木者亦有虛而感濕麻木兼作者又有因虛而風寒

濕三氣乘之故周身掣痛蕪麻木併作者古方謂之周痺治法宜先汗而後補也醫者宜各以類推而治之不可執一見也

脈法

脈浮而濡屬氣虛關前得之脈在上體關後得之脈在下體也脈浮而緩屬濕為麻痺麻緊而浮屬寒為痛痺脈滿而乳屬死血為木不知痛痒

方法

丹溪曰十指麻木是胃中有濕痰死血宜二陳湯加蒼朮白朮桃仁紅花少加附子行經

東○人參益氣湯治兩手指麻木四肢困倦怠惰嗜卧熱傷元氣也

黃芪 二兩 炙甘草 升麻 各半兩 五味子 三十粒
柴胡 六分 生甘草 人參 各一分半 白芍藥 七分

右細切作一服水二盞煎至一盞去粗稍熱服

東○道氣湯治兩腿麻木沉重

黃芪 二錢 甘草 一錢半 青皮 一錢 升麻
柴胡 當歸稍 澤瀉 各半錢
紅花 少許 五味子 三十粒

右細切作一服水二盞煎至一盞去粗溫服

東○天麻黃芪湯治表有風証因連日醉飲其証復來右口角併眼牽引側視及左手脚腿麻木疼痛

天麻 芍藥 神麴 羌活 如支節不
茯苓 各三分 人參 黃連 各四分 川歸 各五分
黃芪 甘草 升麻 葛根
黃柏 蒼朮 各六分 澤瀉 七分 柴胡 九分
或加猪苓 六分

右細切作一服水二盞煎至一盞去粗溫服

○補氣升陽和中湯一婦人病診得六脉俱中得弦洪緩相合按之無乃弦在正是風熱下陷入陰中陽道不行其診閉目則渾身麻木晝減而夜甚覺而開目則麻木漸退必則絕止常開目則此証不作是以不敢合眼致不得臥身體皆重時有痰嗽覺脊中不利煩燥氣短喘促肌膚之盛飲食不減大小便如常此非風邪乃氣不行也治宜補益肺氣自愈如經脉中陰火乘其陽分火動為麻木者當薰去其陰火則安矣

- 生甘草去腎熱 黃栢酒炒除濕熱 白茯苓除濕
- 升麻行濕助 柴胡已上各 蒼朮補中 草薺益壯外寒各三分
- 陳皮 歸身 白朮各四分 白芍藥
- 人參各六分 佛耳草 炙甘草各八分 黃芪一錢

東

右細切作一服水二盞煎至一盞去粗食遠服

○麻黃桂枝升麻湯治婦人先患渾身麻木睡覺則小減開目則已其証愈後又因心中煩惱遍身骨節疼痛身體沉重飲食減少腹中氣不轉運

- 木香 生姜各二分 桂枝 半夏
- 陳皮 草薺各 厚朴制 黑附子炮去皮
- 黃栢各三分 炙甘草 升麻 白朮
- 茯苓 澤瀉各四分 黃芪 麻黃不去節
- 人參各五分

右細切作一服水二盞煎至一盞去粗食遠服

○神效黃芪湯治渾身麻木不仁或頭面手足肘背腿脚麻木並皆治之及兩自羞明畏日隱齒難開視物昏花睛痛亦皆治之

蔓荆子 二分 陳皮 半錢 人參 八分 炙甘草

白芍藥 一錢 黃芪 二錢

右細切作一服水二盞煎至一盞去粗臨卧稍熱服如麻木不仁雖有熱不加黃柏只加黃芪一錢通三錢如麻木甚者加芍藥一錢通二錢如小便淋澀加澤瀉五分一服去則止如有木熱証加酒洗黃柏三分

補氣湯治皮膚麻木神效

黃芪 陳皮 甘草 各一錢 澤瀉 六分

芍藥 八分 右細切作一服水一盞半煎至一盞溫服

冲和補氣湯治合眼則麻木開則不麻四肢無力痿厥醋心

目昏頭眩神效 獨活 川歸 黃柏 各三分

羌活 七分 柴胡 神麴 木香

草薺 各二分

人參 白朮 猪苓 各一錢

甘草 升麻 各半錢 芍藥 一錢 黃芪 二錢

蒼朮 陳皮 各一錢 黃連 麻黃 各二分

右細切分作二服每服用水一盞半煎至一盞溫服

祖傳經驗三妙丸治濕熱下流兩脚麻木或如火烙之熱

黃柏 四兩去皮 蒼朮 六兩米泔浸二宿細切焙乾 川牛膝 去芦

右為細末麩糊為丸如梧桐子大每服五七十丸空心姜

鹽湯下忌魚腥薺麥熱麩炒等物

耳病 四十一

論

內經曰腎者作強之官技巧出焉又曰耳為腎之外候一曰腎通竅于耳二曰心通竅于耳夫腎之為藏水藏也天一生水故有生之初先生二腎而一陰藏焉而又有相火存乎命門之中也每挾君火之勢而侮所不勝經所謂一水不能勝二火是矣其或嗜慾無節勞役過度或中年之後大病之餘腎水枯涸陰火上炎故耳痒耳鳴無日而不作也或如蟬噪之聲或如鐘鼓之響甚為可惡早而不治漸而至於聾聵鐘良可嘆哉治法宜瀉南方之火補北方之水無有不安者焉錢仲陽曰腎有補而無瀉厥有旨哉

脈法

兩寸脈浮洪上魚為溢兩尺脈短而微或大而數皆屬陰虛

法當補陰抑陽

左寸洪數心火上炎兩尺脈洪者或數者相火上炎其入必遺精夢與鬼交兩耳蟬鳴或聾

丹溪九條

丹溪曰大病後耳聾及陰虛火動而聾者宜補陰降火四物

湯加黃柏主之

○耳鳴宜當歸龍薈丸多飲酒人宜木香換柳丸

○耳聾以茱萸烏頭尖大黃三味為末津調貼湧泉穴以引火

下行

○又方治耳痛以白礬枯吹入耳中及青礬燒灰吹之皆効

○又方治耳痛及聾耳用桑螵蛸多黃為末加射香少許吹入耳

中極効或用燕脂胚子蛀竹末加射香少許吹入

○又方治諸虫入耳用香油滴入耳中其虫即出或死於耳內

或用驢牛乳或雞冠血滴入皆好

○又方治諸虫入耳用桃葉捲作角子切齊其頭納入耳中其

虫從角中走出

○大補丸治耳鳴欲聾用黃柏一味不拘多少細切鹽酒拌新

瓦上炒竭色為細末滴水丸如梧桐子大每服一百丸如

氣虛以四君子煎湯下血虛以四物湯下

肥上皆○丸耳鳴耳聾皆是陰虛火動或補腎丸或虎潛丸或

滋陰大補丸皆好

○滋腎丸治耳鳴耳聾

黃柏鹽酒炒知母去毛酒漬肉桂半斤

右為細末煉蜜為丸如梧桐子大每服五十九淡鹽湯下

○柴胡聰耳湯治耳中乾結耳鳴而聾

連翹四斤柴胡三斤炙甘草當歸身

人參各一錢 水蛭三個去翅 射香少許

右除後二味別研外其餘細切作二服加生姜三片水二盞煎至一盞去粗入三味米子再煎一二沸食遠服

煉 ○蔓荆子散治上焦熱耳鳴而聾及出膿汁

炙甘草 升麻 木通 赤芍藥

桑白皮蜜 麥門冬去心 生地黃 前胡

甘菊花 赤茯苓 蔓荆子各半

右細切作一服加生姜三片大棗一枚水一盞半煎至二盞去粗食後服

煉 ○黍粘子湯治耳痛生瘡

昆布 蘇木 生甘草 蒲黃

草龍胆焙 黍粘子 連翹 生地黃

當歸稍 黃芩 炙甘草 黃連各二分

柴胡 黃芪各四分 桔梗半 桃仁三個去皮

紅花少許

右細切作一服水一盞煎至一盞稍熟食後服忌寒藥利

大便

○祖傳經驗秘方治耳內忽大痛如有虫在內奔走或有血水

流出或乾痛不可忍者用蛇退皮燒存性細研以搗翎管

吹入耳中立愈

論

東垣曰按陰陽應象論云諸脉皆屬於目又曰目得血而能視五藏六府之精氣皆上注於目而為之睛睛之窠為眼骨之精為瞳子筋之精為黑眼血之精為目窠之總絡氣之精為白眼肌肉之精則為約束暴翳筋骨血氣之精而與脉併而為系上屬於腦後出於項是故瞳子黑眼法於陰白眼赤脉法於陽故陰陽合德而為精明也是以五藏六府十二經脉三百六十五絡其血氣皆稟受於脾土而上貫於目而為明故目者心之使也心者神之舍也故精神乱而不守卒然見非常之怪若邪中其睛則精散精散則視岐觀一物為兩也因事煩擾飲食失節勞役過度致脾胃虛弱心火大盛則百脉沸騰血脉逆行經曰天明則日月不明邪害空竅是

也夫脾者諸陰之首目者血脉之宗也故脾虛則五藏之精氣皆失所司不能歸明於目矣心者君火也主藏神明宜靜而安相火化行其令相火乃包絡之火主百脉皆榮於目既勞役妄動又因邪氣所併而損血脉是故諸病生焉醫者若不先理脾胃及養血安神乃治標不治本是不明至理者也學者其可不用心乎

脉法

左寸脉洪數心火炎也關弦而洪肝火盛也

右寸關俱弦洪肝木挾相火之勢而來侮所不勝之金而制已所勝之土也

方法 丹溪方十條

丹溪曰目病屬風熱血少神勞腎虛

○河間曰在府則為表當除風散熱在藏則為裏當養血安神

如暴失明昏澁翳膜膠淚班入眼皆風熱也。云班入眼此肝氣盛而發在標也。宜表散以去之。如昏弱不欲視物內障見黑花瞳子散皆裏也。血少神勞腎虛也。宜養血補水安神以調之。

○瞳子散大皆辛熱所為也。辛主散熱。乘之當除風熱。涼血益血以收耗散之氣。今連苦寒除邪氣之盛。為君當歸身生地黃養血涼血。為臣五味子酸寒體浮收瞳子散大地骨皮天門冬瀉熱補氣。或用滋陰地黃丸最妙。

○久病昏暗以熟地黃當歸根為君。羌活防風其菊花之類佐之。

○暴發赤腫以黃芩防風為君。以瀉火黃連當歸為臣。以養血羌活柴胡升麻白芷甘草為使。白睛紅加白苦葶藶少許。○又方治血熱壅痛四物湯如草龍胆防已防風羌活。云實

熱上衝眼痛用黃連瀉火當歸補血

○勞役飲食不節內障昏暗蔓荆子湯

蔓荆子

人參

甘草炙

黃芪

黃柏

白芍藥酒炒

右細切水煎服

○又方治眼痛用生地黄酒浸搗爛置眼上。又用草烏南星乾

姜桂枝為末醋調貼兩足心時用牛膝膏洗眼。

○肥人風熱上壅眼自疼痛

防風

羌活

荆芥

酒苓

水煎服

○瘦人目痛乃是血少兼熱須用養血藥少加風藥

當歸

生地黄酒洗

玄參

川芎

防風

荆芥

菊花

細切水煎服之

○滋陰地黃丸

熟地黃一兩

生地黃一兩

柴胡八錢

天門冬

炙甘草

枳壳

地骨皮

黃連

五味子

各三錢 參 二錢

當歸身

酒浸 黃芩 各五錢

右為細末

煉蜜為丸如棗豆大每服一百丸茶清下

煉

○秘傳撥雲退翳丸退雲丸

治一切內外障膜遮睛昏暗

大効

瓜蒌根

枳實

甘草炙

蔓荆子

薄荷

各五錢 川芎

木賊 童便浸一宿去節焙乾

密蒙花

荆芥穗

地骨皮

甘菊花

白疾莉

羌活 各一兩

蛇蛻

蟬蛻

黃連

各三錢 川椒 七錢半 去目炒

當歸 酒浸洗 草決明 五錢炒

右為細末煉蜜為丸每兩分作十九每服一丸食後臨臥

服日進三服翳障米飲下睛暗當歸湯下內障木香湯下

退雲丸有犀角五錢地黃一兩無蔓荆子

扁

○羊肝丸治一切目疾不問內外翳障青盲等証

白乳羊肝

真以竹刀去膜

黃連 一兩

甘菊花

防風

薄荷

去梗

荆芥穗

羌活

當歸

川芎 各三錢

右為細末將羊肝蒸熟同藥末杵爛為丸漿水下

煉

○春雪膏點赤眼効

朴硝 不拘

置豆腐上蒸化待流下以瓷器盛之

○爛翳驗方

用茜草根燒灰以燈心點之須臾大痛以百節草刮之

煉

○神効明目湯治眼楞緊急致倒睫拳毛及上下臉皆赤爛

睛疼昏暗晝則冷淚常流夜則眼溢難開

細辛 二分 蔓荆子 半錢

防風 一錢

葛根 一錢半

甘草 二錢

一方加黃芪 一錢

右細切作一服水二盞前至一盞去粗臨卧温服

○明目細辛湯治兩自發赤微痛羞明畏日怯風寒怕火光眼
睫成紐眵糊多隱澁難開眉攢腫悶鼻塞涕唾稠粘大便

微硬

川芎二分

生地黄酒浸

蔓荆子各三分

白茯苓

藁本各四分

荆芥穗五分

防風

麻黃根

羌活各八分

細辛少許

紅花少許

川椒四粒

桃仁七箇去皮

右細切作一服水一盞半前至一盞去粗臨卧稍熱服忌

酒醋濕麪

○復明散治内障

青皮去根

陳皮去白

川芎

蒼朮各半兩

炙甘草

生地黄

連翹

柴胡各一錢

黃芪一錢半 當歸身二錢

右細切作一服水二盞煎至一盞去粗稍熱服忌酒醋濕

麪辛熱大斜物之類

○助陽和血湯治眼發之後微有上熱白睛紅隱澁難開睡

多眵淚

蔓荆子一分 香白芷三分

柴胡

黃芪

炙甘草

當歸身酒洗

防風各半錢 升麻七分

右細切作一服水一盞半煎至一盞去粗稍熱服

○歸葵湯翹名連子治目中溜火惡日與火光隱澁難開小兒

緊視物昏花迎風有淚

柴胡三分

生甘草

蔓荆子

連翹

生地黄

當歸身

紅葵花

人參各四分半

黃芪

酒黃芩

防風

羌活各七分半

升麻 一錢

右細切作一服水二盞煎至一盞去粗食後服

棟 ○救苦湯治眼暴發赤腫臉高苦疼不可忍者

桔梗

連翹

紅花

細辛 各一分

當歸身夏月甘草炙

升麻陽明

蒼朮

草龍胆各一分

羌活太陽

黃連各二錢

柴胡少陽

防風

藁本

知母各三分

生地黃

黃柏

黃芩

川芎六分

右細切作一服水二盞煎至一盞去粗食後服若苦疼則多用苦寒藥煎治本經之藥再行加減如睛昏加知母黃

栝

棟 ○益陰腎氣丸此壯水之主以鎮陽光

澤瀉

茯神各二錢

生地黃酒洗

牡丹皮

山茱萸

當歸稍酒洗

五味子

乾山藥

柴胡各五錢熟地黃二兩

右為細末勿犯鐵器搗煉蜜丸如梧桐子大每服五十丸空心淡鹽湯下

棟 ○當歸龍胆湯治眼中白翳

防風

石膏各二分

柴胡

羌活

五味子

升麻各三分

甘草

酒黃連

黃芪各四分黃芩酒炒

黃栝酒炒

當歸身酒洗

草龍胆酒洗芍藥各七分半

棟 ○瀉陰火丸 一名連栝益陰丸 右細切作一服水二盞煎至一盞去粗入酒少許熱服

石決明三錢羌活

當歸稍

五味子

獨活

甘草

防風各五錢草決明

垣東

條黃芩 黃連 酒炒 黃柏 塩酒炒 知母 各一兩
右為細末煉蜜為丸如菽豆大每服五十九丸茶清下

○療本滋腎丸 黃柏 酒炒 知母 酒炒

各等分為細末滴水為丸如梧桐子大每服一百丸至二百五十九空心跳鹽湯下

垣東

○加味滋腎丸

肉桂 三分 黃連 一錢 姜黃 一錢 苦參 三錢

苦苧 麩酒洗石膏勿用肚冷 黃柏 酒炒 知母 各五錢酒炒

右為細末麩糊為丸如梧桐子大每服一百丸白湯送下空心服以食壓之

垣東

○退翳膏治黑白翳

蕤仁 升麻 各三分 連翹 防風

垣東

青皮 各四分

甘草

柴胡 各半斤 當歸身 六分

荆芥穗 水半盞浸 生地黄 半斤

黃連 三斤

右細末水一碗煎至半碗去粗更上火煎半盞入荆芥水兩匙入蜜少許再上火熬勻磁器盛貯頻點之

○龍胆飲子治疳眼流膿生疳翳濕熱為病

穀精草

川鬱金

蛇蛻

炙甘草 各半斤

麻黃 半斤

升麻 二斤

青蛤粉

草龍胆

黃芩 炒 羌活

右為細末每服二錢溫茶清調下

垣東

○還睛紫金丹治目眇歲久赤爛俗呼為赤睛是也當以三稜針刺目眇外以瀉濕熱如眼生倒睫拳毛兩目緊蓋內伏火熱而攻陰氣法當去其熱內火邪眼皮緩則毛立出翳膜亦退用法攀出內臉向外以針刺之出血

白砂蜜二十兩 炒甘石二十兩 水內連水浸半日 煨七次 黃丹六兩

烏賊骨二斤 硃砂小盞內放於 射香各一

白丁香直者五分 輕粉一字

右將白砂蜜於砂石器內慢火熬掠去沫下甘石次下丹以柳枝攪次下餘藥以不粘手為度作丸如雞頭實大每用一丸溫水化開洗之

問河 ○重明散治一切風熱內外障膜眼疾

川獨活 川羌活 川芎 吳射干

仙靈脾 防風 甘草 井泉石

蒼木各半 丹參 白朮 石決明

草決明各三

右為細末每服二錢水一盞半煎至一盞溫服日三服

問河 ○石膏羌活散治以患雙目不明遠年近白內外翳障風熱

昏暗倒睫拳毛一切眼疾頭風並皆治之

羌活治腦熱 密蒙花治虛明 木賊退翳 白芷清利頭目

細辛 乾菜子二味起 麻子起拳 川芎治頭風

蒼朮明目 煨黃芩退熱 甘菊花 荆芥穗治目生

石膏治頭痛 藁本治偏頭痛 甘草解毒

右各等分為細末每服一錢至二錢食後臨卧用蜜水調

下茶清亦可日進三服服至十日漸明二十日平安

問河 ○黃連膏治一切眼目疼痛肉攀睛風痒淚落不乾

朴硝淨陰乾用 白丁香五升 以水淘

黃連半斤 右量水入硝香金內熬至七分淘出令經宿水面浮牙者

取出控乾以帛袋子盛風中懸至風化將黃連細末熬清汁晒乾入風硝更加猪羊膽和蜜令勻點眼極妙

間河○滌昏膏治一切風壅眼目疼痛不可忍

白砂蜜一斤黃連一升沒藥半升黃丹一升紫金

右以蜜同黃丹熬黑以水二大盞煎黃連成稠汁去粗入前丹蜜內煎熬稠更入沒藥末同煎數沸瀝去粗洗眼甚妙

間河○金絲膏治一切目疾昏暗視物如絲羅所遮或痒或痛

宜黃連半升細切水一盞浸一宿取汁再添水

白砂蜜一升白礬一字并鹽青鹽代之

山梔子二升捶碎入前黃連汁內加水同煎五七十沸

右用銀磁器煎藥十餘沸用上細生絹加帛數重再濾過

銀罐子盛貯時常點眼

垣東○地芝丸治不能遠視而能近視以此除風熱

生地黃 天門冬各四升枳壳炒 甘菊花各半升

垣東

右為末煉蜜九茶酒任下

○眼睫方即倒睫拳毛也

木鱉子一个去殼為末綿裹塞鼻中左目塞右右目塞左一二夜其睫自正

傳祖

○點眼光明丹治一切風熱上壅兩目赤腫澁痛風弦爛眼及

內外翳障等証

白爐甘石一升以黃連半升煎濃汁瀝去粗用炭火煨炒

辰砂一升 鵬砂二升 輕粉五分 片腦三分多至

射香一分 如赤眼腫痛加乳香沒藥各五分內外翳障

加玳瑁半錢鴨嘴膽礬二分熊膽二分爛弦風眼加銅青

半錢飛丹半錢或以諸藥總合為一以治諸般眼疾右各

研為極細末一處和勻再研一二日無聲銀瓶盛貯密封

口不可令泄氣點眼極妙

○丹溪活套云東垣謂目能遠視不能近視火盛而水虧也法當補腎六味地黄丸主之目能近視而不能遠視有水而無火也法當補心定志九加茯苓主之又曰不能近視晨服地黄丸不能遠視服定志丸是皆道手足少陰經也是以知不能近視者腎水虧火也不能遠視者心血不足也九目暴發赤腫宜用羌活防風柴胡白芷升麻酒制芩連甘草生地黃當歸身白睛紅少加白荳蔻又曰九眼暴發赤腫須以防風黃芩為君當歸生地黃黃連和血瀉火藥為臣使九日久痛或內障昏暗須以熟地黃當歸根為君以羌活防風荆芥穗生甘草菊花之類為佐使也

○祖傳經驗固本還睛丸治遠年一切目疾內外翳膜遮睛風弦爛眼及老弱人目眇多糊迎風冷淚視物昏花等証悉皆治之

天門冬去皮心酒浸一麥門冬焙去心 生地黃酒浸焙
 熟地黃酒洗淨再用薑蒸勿 人參半 白茯苓一
 乾山藥一 枸杞子一 川牛膝酒洗一 石斛酒洗一
 草決明微炒一 杏仁皮另研 甘菊花少金 兔絲子酒浸三
 羊角淨末八 烏犀角生用 甘草炙 白疾莉去刺
 五味子焙乾 防風去 川芎七 青箱子炒
 黃連去鬚 枳殼黃色 川芎七 青箱子炒
 右為細末煉蜜為丸如梧桐子大每服五七十九鹽湯下

○經驗復明膏去翳膜立效

人參一 川歸一 鵬砂生研 青鹽一
 乳香研一 沒藥研一 蘆薈一 玳瑁半
 射香加半 黃丹炒 海漂硝五 黃連四
 黃柏六 赤炬其 石澤次 白沙蜜半斤 麩仁一 去壳

白欵一承半右件各研為極細末先將白蜜煎沸掠去上沫再熬滴水中沉碗底不散可用然後入前藥末畧沸攪勻磁罐收貯日三五次點之效

口病四十三

論

內經曰中央黃色入通於脾開竅於口藏精於脾故病在舌夫口之為病或為重舌木舌或為糜爛生瘡或見酸苦甘辛鹹味原其所因未有不由七情煩擾五味過傷之所致也經曰陰之五宮本在五味陰之五宮傷在五味是也是以肝熱則口酸心熱則口苦脾熱則口甘肺熱則口辛腎熱則口鹹有口淡者知胃熱也外有謀慮不決肝移熱於膽而口苦者亦有脾胃氣弱木乘上位而口酸者或膀胱移熱於小腸腸不硬上為口糜生瘡潰爛則傷寒狐惑之証上唇生瘡虫

食其藏下唇生瘡虫食其肝其為口之為病種種不同醫者宜各類推而治之無有不安者也

脉法

經曰左寸洪數心執苦右寸浮數肺執口辛

左關弦數而虛膽虛口苦甚洪而實肝執口酸

右關沉實脾胃有實執口甘無洪數者口瘡或為重舌木

舌脉虛者中氣不足口瘡若服涼藥不愈宜理中湯

方法丹溪方三條

丹溪曰脾熱口甘三黃丸主之

三黃丸兼治五勞七傷消渴不生肌肉

黃芩春四夏秋黃連春四夏五

大黃春三秋二夏

右三味煉蜜為丸如梧桐子大每服五丸和力至七丸

日三服一月病愈久服行及奔馬愚按此方惟實熱者可用虛者勿用
○膽熱口苦謀慮不決所致小柴胡湯加麥門冬酸棗仁地骨皮遠志煎服

間○益膽湯治謀慮不決肝胆虛氣上溢則口苦証
黃芩去朽 甘草炙 人參各一兩 官桂半兩

苦參 茯神各一分 遠志取肉去骨七分
右細切作一服水一盞半煎至一盞去粗溫服

東垣○柴胡地骨皮湯治膀胱移熱於小腸腸不便上為口糜生瘡潰爛心胃壅熱水穀不化等証
柴胡去芦 地骨皮各等分

右細切每服五錢水一盞半煎至一盞食後溫服如病人太段實者加大黃朴硝以利之
○治口瘡用西瓜漿水徐徐飲之無瓜時以瓜皮燒灰付之

○又方細辛黃柏炒各等分為末搽舌上吐涎乃愈

○又方用煇硝鵬砂各口勿開外以南星為末醋調貼足心湧泉穴上神効

○又方用好酒煮黃連成汁呷下即愈

○又方用五倍子一兩黃栢蜜炙滑石各半兩銅錄半兩射香一字為末搽之極効

○凡口瘡服涼藥不愈者乃中氣不足虛火上升上無制用理中湯反治之而愈甚者加附子或用官桂噙之亦妙

○又方治赤口瘡
白礬枯 沒藥 乳香 銅綠

右為細末搽之
○又方治白口瘡
雄黃 沒藥 乳香各一錢 輕粉

法製皆上巳

國醫正傳

巴荳霜許 右為細末搽之

涼膈散

井桔湯皆効

○治實熱口中生瘡用

冊溪○一小兒口瘡不下食衆以狐惑治之必死後以礬湯於脚上浸半日頓寬更以黃栢蜜炙殭蚕炒為末付之而愈

○又方治唇緊燥裂生瘡用青皮燒灰付之立愈

○又方治唇緊以皮帛撚於刃上薰取瀝附立効

○又方治口瘡用野薔薇花根煎湯漱之根一云白薔薇根梓汁付之

○又方治口内生瘡用

明礬枯

黃丹炒

鹽白梅燒存性各一錢

人中白一錢射香小許另研

右為細末乾搽口內甚者加鵬砂半錢片腦一分

○鵬砂散治口舌生瘡及咽喉腫痛皆効

鵬砂

馬牙硝

活石

寒水石

白礬各二片腦二分

右為細末每服半錢許食後新汲水調下

○碧雪治口瘡及咽喉腫痛神効

蒲黃

青黛

鵬砂

焰硝

生甘草

各等分為細末付之咽喉腫痛驚管吹入

○祖傳經驗方活腫大塞口不通飲食者

真蒲黃味

頻刷牙上自退若能藥即以黃連一味煎

濃汁細上呷之以瀉心經之火則愈

○丹溪活套云肝膽有實熱令人口酸而苦小柴胡湯加甘草

龍胆青皮之類甚者當歸龍會九若謀慮不決肝膽虛而

苦者人參遠志茯神甘草為君柴胡草龍胆為佐使甚者

錢氏地黃丸虛者補其母也○心熱而口苦或口舌生瘡

黃連瀉心湯牛黃清心丸涼膈散之類○脾熱而口甘者

二黃九平胃散之類○肺熱而口辛者其精湯瀉白散金
沸草散之類○腎熱而口鹹者滋腎丸大補陰丸滋陰大
補丸之類

喉痺 四十四

論

內經曰一陰一陽結謂之喉痺王註謂一陰即厥陰肝與胞
絡是也一陽即少陽膽與三焦是也四經皆有相火存焉子
和曰膽與三焦尋火治肝和胞絡都無異東垣曰火與元氣
不兩立一勝則一負蓋元氣一虛則相火隨起而喉痺等暴
病作矣夫喉之為會厭者經謂之吸門是也以其司呼吸主
升降為人身緊關之橐籥門戶也若夫卒然腫痛水漿不入
言語不通死在頃臯誠可驚駭其會厭之兩傍腫者俗謂之
雙乳蛾易治會厭之一邊腫者俗謂之單乳蛾難治古方通
謂之喉痺皆相火之所衝逆耳經曰一水不能勝二火又曰
一水不能勝五火甚言其真水之易虧而相火之易動也如
大怒則火起於肝房勞則火起于腎飲食失節則火起于脾

胃之類是故知火者痰之本痰者火之標火性急速故病發則暴悍治之之法必先大湧其痰或以鉞鍼刺其腫處此急則治標之法也用藥者必須以內經從治之法而以桔梗甘草玄參升麻防風羌活荆芥人參白朮茯苓之類少加乾姜附子等藥為嚮導徐徐頻與不可頓服此為治之太法也切不可驟服寒涼之藥非徒無益而且促其死耳俗人未諳此理而峻用芩連梔柏之類而正治之又甚者雜進以大寒章藥頻與頓服但竟腫勢稍退語言畧通而醫者病者皆為獲効而喜殊不知上熱未除中寒復生其毒氣乘虛而入腹漸而至於發喘不休不可治矣良可嘆哉外有天行一種名曰大頭病俗呼為狸頭瘟其証甚為凶惡染此者十死八九宜推運氣治之治法亦不甚相遠也東垣普濟消毒飲子甚妙實為百發百中之劑奪者再宜詳究而擴充之務活人於斯

世也幸甚

脈法

兩寸脈浮洪而溢者喉痺也 脈微而伏者死

丹溪曰喉痺多屬痰宜用吐法或只以桐油燈脚用鵝翎探

吐之病輕者新取園中李實根嚼之更研水於項上付之

盧氏曰按水草蠶實根即馬閩草根也 有之此又曰園中李實根未知孰是 也能治喉痺以方多

- 纏喉風屬痰熱亦宜吐之
- 又方用遠志去心為末水調付項上
- 又方用燈心草燒灰吹入喉中
- 一方治咽喉痛腫

荆芥穗 當歸身 桔梗 甘草 各等分
右細切水煎放溫漱而服之有熱加黃芩枳殼宜刺少商

出血立愈

○又方治喉乾燥痛用四物湯加桔梗荆芥黃栢知母之已

○又方治喉瘡痛者多屬虛火遊行無制用人參黃栢蜜炙

荆芥虛火用人參竹瀝血虛用四物加竹瀝

○又方治黃擦即根俗名倒刺入好酒少許研汁滴入喉中愈

○又方以燈籠草炒焦為末酒調付喉中

○瀉實熱火黃連荆芥薄荷硝石為末姜汁蜜調噙化

○喉舌之疾皆屬火熱雖有數腫之名輕重之異乃火之微甚

故也微而輕者可以緩治甚而急者惟用砭針刺血最為

上策

○通關飲治喉痺腫痛不能語言者但可進藥無不愈者此

從治之法也膈湯治一切咽喉生瘡腫痛

人參 白朮 茯苓 各一升 炙甘草 一升半

桔梗去芦 防風去芦 七分 荆芥半升 薄荷半升

乾姜炮半升 或加附子炮半

右細切作一服水二盞煎七分徐徐與之

○又方治喉痺用鴨嘴膽礬二分或半錢吹入喉中吐痰愈

○普濟消毒飲子治天行喉痛等証方見瘟疫門

○桔梗湯治咽喉微覺腫痛聲破難語

當歸身 馬勃各一升 白殭蚕炒 黃芩各三分

麻黃去節 五桔梗去芦 甘草炙 各一桂枝少許

右細切作一服水二盞煎至一盞去粗溫服

○又治喉痺方新取青艾葉杵汁灌入喉中即愈

○又方用蛇床子於有嘴瓶中燒令病者以瓶嘴含口中吸煙

入喉內立愈

○吹喉散治咽喉一切腫痛

綠礬半兩 別用青魚胆一箇以礬研細入胆內

巴荳七粒 去壳

朴硝二兩 半

銅青一兩

輕粉五分

青黛此少另研

右將膽礬同巴荳肉於銅匙內飛過去巴荳合朴硝巴下四味再加射香少許研勻每用一字吹入喉中吐出痰血立愈

○聖煙筒治喉痺車麻子取肉槌碎帛捲作筒燒煙吸之

○祖傳經驗秘方治喉痺神效

馬蘭菊

五介龍草

車前草 俗名蝦蟆衣

右以三味拌汁徐徐飲之

○又方治喉痺及喉中熱痛等証用上好消梨杵汁類類飲之如患者能自嚥下亦可多食為良大餅熱毒惟金瘡產婦及諸脫血証不可食以其破血故也其餘一應癰疽發背等証多食極妙

論

齒病 四十五

內經曰百病之起有生於本者有生於標者夫齒者腎之標骨之餘也足陽明胃之脈貫絡於齒上齦手陽明大腸之脈貫絡於齒下齦手陽明惡寒飲而喜熱飲足陽明惡熱飲而喜寒飲故其為痛有惡寒惡熱之不同也有開口呷風則痛甚者腸胃中有風邪也有開口則穢臭不可近者腸胃中有積熱也或謂痛而齒動搖或謂痛而虫侵蝕又有齒縫疎豁飲食不便者比比是也太抵齒齦宜露而動搖者腎元虛也治宜滋陰補腎為要情寒惡熱而口臭穢者胃氣熱也治宜安胃瀉火為良其所謂風邪虫蝕之証蓋因熱生風而風生虫也腸胃之火既平更加以擦牙誅虫之藥以治其標無有不安之理也予者詳之

脉法

右寸関脉洪数或弦而洪腸胃中有風熱齒痛
尺脉洪大而虛者腎虛主齒動搖踈相火上炎而痛

丹溪方法
凡二條

丹溪曰牙疼或出血屬執胃中有熱有風寒有虫有濕熱實
執腫痛調胃承氣加黃連又用升麻白芷防風荆芥薄荷
甘草桔梗之類外用梧桐淚射香擦之

○灸法上片痛灸足三里二穴在足陽明經膝下三寸胫骨外
下片痛灸手三間二穴在手陽明大指次指本節後內側腕中

外集○治虫牙痛用韭菜子以黃蠟包之外以瓦片燒紅將韭子
蠟丸置為其上又別糊一帛袋如巨螺樣上以小竹管為
袋嘴將袋覆於蠟丸上以竹管拄於齒竅中接煙薰之其
虫即死而愈

丹溪○治走馬牙疳方其効如神

乾姜 南塞 各燒存性 枯白礬

右件各等分為末付之即愈

澗○小兒走馬牙疳床一脊腐爛即死此方神効

婦人尿桶中白垢火煨一錢入銅綠三分射香一分半付
之立愈

東垣○射香散治熱多寒少牙齦露肉脫血出齒動欲落及痛妨

食惡寒少惡熱多

熟地黄 二分 益智仁 二分半 當歸身 生地黃

麻黃根 酒漢防已 人參 各半斤 升麻 一系

草薺 黃連 各半斤 羊脛骨灰 二射香 少許

右為末先用溫水漱口淨擦之

疎○草薺散治寒多熱少牙齒疼痛

細辛葉 防風各二分 羊脛骨灰 熟地黄各半斤
當歸六分 草苳菴 黃連各一分 升麻 二斤半

右為細末如前法擦之

○羌活散治客寒犯腦及風寒湊襲腦痛頭筋急牙齒痛動搖
肉齟袒脫疼痛

藁本 香白芷 桂枝各三分 蒼朮

升麻各半斤 當歸身六分 草苳菴一分 羌活一斤半

羊脛骨灰二斤 麻黃去根節 防風三斤 柴胡五斤

細辛少許

右為細末如前法擦之立愈

東垣○白牙散

白芷七分 升麻一斤 石膏一斤半 羊脛骨灰二斤

射香少許

右為細末如前法擦之立效

東垣○獨聖散治一切牙痛風痺等証

北地蒺藜不拘多

右為細末每用刷牙以熱漿水漱牙外磨末熬漿水刷牙

大有神效

東垣○立効散治牙齒痛不可忍微惡寒飲大惡熱飲其脈上中

下三部陰盛陽虛是五藏內盛六府陽道脈微小小便滑

數上

細辛三令 炙甘草半斤 升麻七令 防風錢

草龍胆酒洗

右為細末作一服水一盞煎至七分去粗以匙抄在口中

喋痛處待少時則止○如多惡熱飲更加草龍胆一錢此

法不定隨寒熱多少臨時加減○若更惡風作痛加苳菴

黃連各五分勿加草龍膽

垣東 ○牢牙散治牙齦肉綻有根牙疳腫痛牙齒動搖落牙齒不長牙黃口臭

羌活 一刃 草龍胆 酒洗 一兩半 羊脛骨灰 兩 升麻 兩

右為細末臨卧時貼牙齦上

垣東 ○清胃散治因服熱藥或食辛辣之物致使上下牙疼痛不可忍牽引頭腦滿面發熱太痛足陽明之別絡入腦喜寒惡熱乃是手陽明經中熱盛而作也其齒喜冷惡熱

當歸身 黃連 夏日 倍用 生地黄 酒制各 牡丹皮 半錢

升麻 一朶

右為細末作一服水一盞半煎至一盞瀝去粗帶涼服

垣東 ○神功丸治多食肉入口臭不可近牙齒疳蝕牙齦肉將脫牙齒落血不止

蘭香葉 如無藿香代之

當歸身

藿香葉

木香 各一朶 升麻 一朶 生地黄 酒洗 甘草 各三分

黃連 酒洗 硝砂 仁 各三朶

右共為細末湯浸蒸餅為丸如菉豆大每服一百丸或加至二百丸止白湯下食遠服○此藥無治血痢及血崩及

血下不止血下褐色或紫色或黑色及腸癖下血空心服米湯下其脉洪大而緩者及治麻木血氣上衝逆氣上行

妄聞妄見者皆効

○祖傳經驗秘方治胃有實熱齒痛或上片痛尤甚者用涼膈散以大黄酒蒸為君加知母石膏升麻為佐頻頻令嚼即愈

○又方治胃熱齒痛口臭穢不可近者用大黃荆條一二十片於火上亨瀝入姜汁六分之一時時含嚙甚効

○又擦牙止痛方

用黃蘗蜂窠一箇以川椒填滿其窠更以白鹽一錢封口
燒存性入香白芷羊脛骨灰各一錢同研為細末先以清
茶漱口淨然後以此藥擦之及付痛處如有虫蛀孔作痛
以小許塞於孔中立愈

○又灸法亦妙

列缺二穴在手太陰肺經與陽明經相連又手取穴中指
盡處又看其浮脈了又之間灸七壯其痛立止永不復發

鼻病 四十六

論

內經曰西方白色入通於肺開竅于鼻又曰鼻者肺之外候
丹溪曰肺之為藏其位高其體脆性惡寒又惡熱是故好飲
熱酒者始則傷于肺藏熱久則見於外而為鼻齧准赤之

候得熱愈紅得寒則黑此謂熱極是水之象亢則害承廼制
也其或觸冒風寒始則傷于皮毛而成鼻塞不通之候或為
濁涕或流清涕久而不已名曰鼻淵此為外寒束內熱之証
也原病式曰肺熱則出涕是也又有膽移熱於腦則為辛頰
鼻淵鼻中濁涕如湧泉不滲而下久而不已則為鼻衄衄血
息肉鼻癰等証醫者宜各以類推而治之無忽也

脈法

右寸脈浮洪而數為鼻衄鼻齧
左寸脈浮緩為傷風鼻寒鼻流清涕

丹溪方

丹溪方十一條

丹溪曰鼻為肺之竅固心肺上病而不利也有寒有熱寒邪
傷于皮毛氣不利而壅塞執壅清道氣不宜通寒則表之
麻黃桂枝之類熱則清之芩連梔子之類

○面鼻紫黑面為陽中之陽鼻居面之中一身之血運到面鼻

皆為至清至精之血多酒之人酒氣薰蒸面鼻得酒血為

極熱熱血得寒汚濁凝結而不行故色紫黑治宜化滯血

生新血四物加片芩酒紅花酒茯苓陳皮甘草生姜煎調

五靈脂末服氣弱者加黃芪酒浸

○酒齧鼻乃熱血入肺治前用梧桐子桐油入黃連以天芎藤

燒油執付之

○又方用山硫黃內燻乳香輕粉烏頭尖酥調付或用膽礬

付之

○又方用山梔為末蜜蠟丸如彈子大空心嚼一丸白湯下

○壅鼻塞肉乃肺氣盛用枯礬研為末胭脂調綿裹塞鼻中數

日自消

○又方木通細辛附子炮蜜和綿裹塞鼻中又用防風通聖散

加荆三稜山茱萸肉海藻並用酒浸炒為末每服一錢半

酒調服之

○鼻淵膽移熱於腦則辛頰鼻淵防風通聖散一兩加薄荷黃

連各二錢半水煎服

○宣明防風湯治鼻淵腦熱滲下濁涕不止久而不已必成血

血之疾

黃芩 人參 甘草 川芎

麥門冬煮各防風去芦

右為細末每服二錢沸湯調服食後服日三服

○麗澤通氣湯治鼻不聞香臭

黃芪八分 蒼朮

防風 升麻 羌活 獨活

麻黃不夫節 川椒 葛根各六分 炙甘草四分

白芷各二分

冬月加

三

西

三

西

右細切作一服加生姜三片束三枚葱白三寸水二盞煎至一盞溫服食遠忌一切冷物及風寒涼處坐卧

○溫肺湯治鼻不聞香臭多膠液

丁香二分 防風 炙甘草 葛根

羌活各半錢 升麻 黃芪各七分 麻黃一錢半

右細切作一服水二盞葱白三根煎至一盞食後溫服

○禦寒湯治寒氣風邪傷于皮毛令鼻壅塞咳嗽上喘

黃連 黃栢 羌活各二分 炙甘草 佛耳草 欵冬花 白芷 防風各二分

升麻 人參 陳皮各半 蒼朮七分

黃芪 錢 右細切作一服水二盞煎至一盞去粗食後服

○祖傳經驗秘方治鼻中時時流臭黃水甚者腦亦時痛俗名

控腦砂有虫食腦中用絲瓜藤近根三五尺許燒存性為細末酒調服之即愈

○又方用治白牛毛根葉如白楊木 煖焙乾為末吹入鼻中立愈

血証四十七

論

內經曰大怒則形氣絕而血苑於上又曰怒則氣逆甚則吐血又曰陽明厥逆喘欬身熱善驚衄吐血又曰濕淫汗出為軌衄又曰脾移熱于肝則為驚衄胞移熱于膀胱則癢而溺血又曰結陰者便血一升再結二升三結三升又曰肝則血歸肝肝受血而能視云目得血而能視以云肝者蓋目為足受血而能步掌受血而能握指受血而能攝又曰心出血肝納血肺出氣腎納氣夫人身之氣血者精性之所依附並

行不悖循環無端經曰一息不運則機絨窮一毫不續則容
壤判若夫暴喜傷心則氣緩而心不出血故肝無所受或暴
怒傷肝則氣逆而肝不納血故其血無所歸又若房勞過度
以致陰火沸騰血從火起故錯經而妄行也是以從肺而上
溢于鼻者曰衄血從胃而上溢于口者曰嘔血夫所謂咯血
唾血者出于腎也咳血嗽血者出于肺也又有痰帶血絲出
者或從腎或從肺來也其血出于小便者曰溺血曰血淋出
于大便者曰腸風痔血糞前來者曰近血糞後來者曰遠血
流結于腸胃之間而成積者曰血瘕血蟻木抵血從下流者
為順易治血從上溢者為逆難治丹溪曰口鼻出血皆是陽
盛陰虛有升無降血隨氣上越出上竅法當補陰抑陽氣降
則血歸經又曰諸見血為熱証正經所謂知其要者一言而
終不知其要者流散無窮此之謂也

脈法

內經曰脈來如懸鉤為衄血常脈脈至而搏血衄身熱者死
腸辟下膿血脈弦絕則死滑大則生血溫身熱者死
脈經曰脈得諸澁濡弱為亡血脈來輕輕在肌肉尺中自
浮目睛暈黃衄血未止
太陽脈大而浮必衄吐血病人面無血色無寒熱脈沉
弦者衄也
脈浮弱手按之絕者下血煩欬者必吐血
脈極虛乳遲為清穀亡血失精
脈乳為失血瀦為少血脈弦而緊脇痛肝藏傷主有
瘀血吐血唾血脈滑小弱者生實大者死
唾血脈堅強者死滑濡者生

方法

丹溪方法九
二十七條

丹溪曰口鼻血出皆是陽盛陰虛有升無降血隨氣上越出
上竅法當補陰抑陽氣降則血歸經

按以語雖見前論蓋一音之大旨故重以示學者

○衄血涼血行血為王犀角地黄湯入爵金

○一方用荆芥穗研服或用蘿蔔上半段杵汁服又以汁滴入
鼻竅中或灸大椎及啞門穴二三壯俱可止之

○本草衍義以萱草葉洗淨研汁一盞入生姜汁三分之一細
細呷之治大熱衄血

○吐血是火載血上錯經妄行脈必大而芤大則發熱芤則熱

○大法四物湯加炒梔子童便姜汁竹瀝

○一方用韭汁或見血脾氣用非汁服之最妙童便姜汁磨入

爵金飲之其血自清如無爵金以山茶花代之一云用爵
金末以姜汁童便和好酒調服

○吐血大全良方四生丸其妙亦治衄血

○又方童便調香附末服之

○又方童便二分酒一分搗側柏葉溫飲之

○吐血亦有因怒而得者經曰怒則氣逆甚則嘔血

○一方治吐血不止用乾姜炮為末童便調服

○山梔子最能清胃腕之血

○有先吐血後有痰者是陰虛火盛四物湯為王加痰火藥若

先吐痰而後血多者是積熱降痰火為急

○有暴吐紫血成塊者是熱傷血結于中吐出為好用四物湯

加清熱等藥調之

○唾血鮮血出于腎亦有瘀血內積肺氣壅遏不能下降用

天門冬麥門冬知母貝母桔梗黃栢熟地黃遠志或加乾
姜

○咳血內有痰痰盛心熱多是血虛用青代瓜萎仁柯子貝母海石山梔子為末姜汁蜜丸噉化嗽盛者加杏仁後以八物湯加減調理痰盛者宜更加涼藥

○咯血用姜汁童便青黛入血藥中用四物湯地黃膏牛膝膏之類有各血痰帶血絲出者同治但宜加痰藥

○舌上無故出血如線用槐花炒為末摻之一方用蒲黃炒焦為末付之極妙

○大便下血有熱有虛熱用四物湯加炒山梔子升麻秦艽阿膠虛用四物湯加干姜炮升麻

○便血用白芷五倍子為丸服效

○便血有風邪下陷者蓋風傷肝肝生血故也宜升提之四物湯加防風荆芥升麻柴胡秦艽槐花條芩地榆枳殼煎服

○有濕傷血者宜行濕消熱蒼朮白朮黃連黃栢當歸川芎芍

藥地榆槐花水煎服之

○因積熱下血用蒼朮陳皮各一兩半連翹五錢黃連黃芩黃栢各七錢半炒為末生地黃膏丸服代黑一

○腸風下血獨在胃與大腸出用黃芩秦艽槐角青代升麻一方用大黃煨桃仁去尖研各三錢當歸檳榔皂角仁黃栢荆芥穗枳殼各五錢黃連炒秦艽槐角子各一兩右為末麩糊為丸如梧桐子大每服五十九丸白湯送下如鮮血小甚者棕栢灰蓮房灰各五兩

○肥上皆溪皆○九經血逆行或血腥或吐血唾血用韭汁服自清東

○人參飲子治衄血

麥門冬一兩當歸身一兩 人參 黃芪各一兩半

白芍藥 甘草各一兩 五味子九枚

右細切作一服水一盞半煎至一盞溫服

丹溪○痰涎雜血出于脾胃根黃芪芍藥黃連川歸沉香末甘草水煎服

煉○二黃補血湯治吐血

黃芪

川歸

升麻各半斤

芍藥

柴胡絡一 熟地黄 生地黄各二 牡丹皮

右細切作一服水二盞煎至一盞溫服

○一方治痰嗽吐血

紅花

杏仁去破小

枇杷葉拭去毛

紫苑茸

鹿茸炙

木通各一

大黃半斤

右為細末蜜丸龍眼大噲化

煉○黃芪散治咳血成勞

黃芪

麥門冬

熟地黄

桔梗

白芍藥絡一甘草半斤

右細切作一服水一盞半煎至一盞去粗溫服

煉○一方治痰帶血咳出

白朮一斤半川歸

芍藥

牡丹皮各一斤

桃仁半斤研七分半梔子炒黑色

甘草三分

麥門冬半斤

右細切水一盞半煎至一盞去粗溫服

濟生○鷄蘇散治勞傷肺經咳嗽有血

鷄蘇即薄荷黃芪

生地黄

阿膠珠

貝母 白茅根各一斤桔梗

麥門冬

蒲黃炒黑色甘草各半斤

細切水煎服

煉○薏苡仁散治肺損嗽血

薏苡仁炒右一味研為細末以豬肺一箇煮熟蘸藥食之

丹 ○又方用猪心一箇竹刀批開入沉香末一錢重大半夏七箇入在心中帛包數重外以童子小便沃溫澆火煨熟取去半夏吃之嗽血吐血皆効

丹 ○一方治瀉血山梔子飲梔子 不拘多少炒黑色

右為細末水煎連粗服之

丹 ○一方用小薊根琥珀二味為末水煎服之蓋二物能治下焦熱結血淋

丹 ○又方治瀉血神効

生地黄 四分 小薊根

蒲黃 炒 淡竹葉

山梔子 炒 黑甘草 七分

右細切作一服水二盞煎至一盞去粗溫服

滑石

藕節

通草 炒

當歸 酒浸

此 ○治瀉血因血虛者用四物湯加牛膝膏服

三 ○一方治瀉血用五苓散合四物湯煎服効

升藥如加涼藥用酒煮酒炒之類乃寒因熱用之法也

局 ○一方治小兒尿血用甘草升麻煎湯調益元散

局 ○犀角地黄湯治衄血及吐紅

犀角 鎔 赤芍藥 牡丹皮 生地黄 各一系

右細切作一服水煎食後服

局 ○四生丸治吐血衄血陽乘於陰血熱妄行

生荷葉 生艾葉 生地黄 生側柏葉

右各等分細研為丸如彈子大每服一丸水煎或鹽湯化下

丹 ○聖餅子治咯血

青黛 一斗 杏仁 四十枚以黃蠟煎炒黃色

右研杏仁細入青黛捏作餅子用時以柿餅一箇破開以藥餅置於柿中合宜濕帛包炮煨連柿研細米飲調

○地榆湯治結陰便血不止漸而極多

地榆 四斗 生甘草 一斗半 炙甘草 一斗 宿砂 另碾

右細切作一服水一盞半煎至一盞溫服

○結陰丹治結陰腸風藏毒下血等証

枳壳 炒 威靈仙 黃芪 陳皮

樗根皮 何首烏 荆芥穗 各等分

右細末酒糊為丸如梧桐子大每服五七十九清米飲入

醋少許送下

○椿皮散治血痢及腸風下血神驗

樗根白皮 枳角仁 枳 枯白礬 二刀 炙甘草 一刀

生齋

右為細末每服三錢清水飲調下

○烏梅丸治大便下血如神

僵蚕 一刃 炒烏梅肉 一刃半

右為細末醋糊為丸醋湯下三五十九空心服

○槐花散治腸風藏毒下血

槐花 炒 側柏葉 荆芥穗 枳壳 麩炒黃色

右各等分為末每服二錢空心米飲調下

○加減四物湯治腸風下血

側柏葉 生地黃 當歸 川芎 各八分

枳壳 麩炒 荆芥穗 槐花 炒 甘草 炙各四分

地榆 條黃芩 防風 各六分 烏梅 大者一個

右細切作一服加生姜二片煎至一盞去粗空心溫服

○當歸和血湯治腸辟濕毒下血

槐花炒 青皮 各六分 當歸身 升麻 各一分
川芎四分 荆芥穗 熟地黄 白朮 各六分

右為細末每服三錢米飲調下

○枳壳散東垣曰血清而色鮮者腸風血濁而黯者為臟毒糞
前來者為近血糞後來者為遠血此藥並皆治之

枳壳十月炒 甘草三月炙

右為細末每服一錢空心米飲調送下酒煮黃連丸

○酒煮黃連丸

黃連去鬚 好酒 五升

右將黃連細切以銀石器盛酒煮黃待乾盡為度焙乾為
末麪糊為丸如梧桐子大每服三十九空心服

○秘方枳壳湯治大便腸風下血

枳壳炒 黃連炒 同切以槐花四兩

右二味量水煎濃汁食前溫服

○槐角丸治五種腸風下血痔漏脫肛並皆治之

槐角炒 地榆 黃芩 當歸

枳壳炒 防風

右各等分為細末酒麪糊為丸如梧桐子大每服五十九
空心清水飲送下

○升陽去熱和血湯治腸辟下血另作一派其唧唧然出者

有方而遠四散如篩腸腹中作痛熱毒所作也

陳皮 二分 熟地黄 當歸身 蒼朮

秦艽 肉桂 各三分 生地黄 牡丹皮

生甘草 各五分 升麻 七分 炙甘草 黃芪 各一分

白芍藥 一分半

右細切作一服水二盞煎至一盞食前稍熱服

○升陽補胃湯証治及詳見秘藏傳痢門

○生地黄散治鬱熱衄血咯血吐血等証

枸杞子

柴胡

黃連

天門冬

白芍藥

甘草

地骨皮

黃芪

生地黄

熟地黄各半斤

右細切作一服水一盞半煎至一盞溫服

黃芪

人參

○玉屑膏治熱血

右二味各等分為末用蘿蔔大者切片厚一指許四五片

蜜淹少時蘸蜜炙乾盡蜜二兩為度勿令焦點藥末吃不

拘時仍用鹽湯送下

○龍骨散治衄血不止凡九竅出血皆可止之

龍骨不拘

右一味細研吹入鼻中即止

○射香散治鼻衄不止

方院某御 因三

白礬各五斤

龍骨各五斤

射香一分半

右各另研和勻每用時先以冷水洗鼻孔淨然後用藥吹

入孔內或以濕帛擦入亦妙

祖傳 ○經驗方治瀉血

百藥煎一升以半升

右共研細飯丸如梧桐子大每服二四十九或以米湯調

下末子二三錢亦可

○又方治前証用乾柿餅燒灰存性清米飲調下二三錢立止

○桃仁承氣湯治男子婦人血結胃手不可近及中焦畜血妄

言見鬼昏迷如狂及久病胃腕疼痛畜血等証

○抵當湯治下部畜血臍下結痛滿硬等証傷寒門並現

○丹溪活套云凡諸見血証皆是陽盛陰虛君相二火亢其煎

迫其血而出諸竅也悉宜四物湯加知母黃柏補陰降火

久活

久活

之劑為主治○如衄血咳血或痰帶血絲出者皆從肺中
 來也本方加酒洗薄荷荊芥花等藥以瀉肺火如嘔血吐
 血此從胃中來也本方加石膏知母等藥以瀉胃火○唾
 血咯血及潮熱咳血此血從腎中來也本方用梔柏皆當
 以鹽酒炒更加肉桂一分許以瀉腎火如小便血於溺竅
 中出澁數成絲作痛或雜尿而出者從此膀胱中來也本
 方加梔子仁瞿麥牛膝滑石之類以瀉膀胱之火○如小
 便出血不痛者此心移熱於小腸故曰血從精竅中出也
 本方加黃連梔子條芩之類以瀉本經之火○大便未糞
 而血先來者謂之近血知其從大腸中來也本方加槐樹
 枳實槐花條芩之類以瀉大腸之火○如大便糞而血來
 者謂之遠血知其從小腸中來也本方加木通黃連黃連
 之類以瀉小腸之火○夫血出於口鼻者或加犀角芩連

之類以清之或加茅花藕節棕栢灰炒蒲黃之類以止之
 或加韭汁童便山茶花牡丹皮之類以消之○其血出於
 大便者或加槐花側柏葉條芩之類以清之或加地榆荆
 芥白芷茅根之類以止之○其血出於小便者或加瞿麥
 麥門冬梔子之類以清之或加滑石木通大小蘗之類以
 行之或行之或清之或止之皆當視其新久緩急而施治
 之俱以四物為君王之藥也

○祖傳經驗方

治小便溺血用車前草葉金陵草葉俗名墨斗草二味搗取自
 然汁一盞空腹飲之立止

○又髮灰丸

用小兒胎髮如無以壯年無病人頭髮剪下者為上自落
 者次之燒灰細研別用新取側柏葉搗汁調糯米粉打糊

為丸如梧桐子大每服五十九白湯送下或煎四物湯送下尤妙空心服之

○又方治大便下血用篋竹葉燒灰存性米糊為丸如梧桐子大每服七八十九空心米飲送下

○一男子四十余素年飲酒無度得大便下血証一日如廁二三次每次便血一升許予以四物湯加條芩防風荆芥白芷槐花等藥連日與服不効後用豫斗燒灰二錢七分調入前藥汁內服之又與灸脊中對臍一穴血遂止而平安其病自此不發

痔漏 四十八

論

經曰因而飽食筋脉橫解腸澼為痔又曰脾胃者倉廩之官五味出焉大腸者傳道之官变化出焉若夫飽食太過則脾

氣倦甚不能運化精微朝傷暮損清濁混淆故食積下流於大腸之間而為病也蓋脾胃一虛肺氣亦乏而大腸之氣亦從而虛其肝木得以乘虛下流而為腸風病則是皆金失所養木寡于畏之所為耳其為變見名狀種上不同曰牛妳曰鼠妳曰雞心曰雞冠曰蓮花曰翻花曰蜂窠曰穿腸曰外痔曰雖為狀不一而其因則同焉治法以苦寒瀉火芩連梔子槐花之類以辛溫和血川歸川芎桃仁之類風邪在下以秦艽防風升麻之類提之燥熱沸鬱以大黄枳殼麻仁之類調之瀟此疾者自宜慎口節欲依法調治無有不妥安者也

脉法

脉沉小實者易治浮洪而羸弱者難愈

方法 丹溪方法 凡十條

○一丹溪曰痔病因風熱燥歸于大腸也治血為主大法用芩

京大腸入參黃連生地黃槐角涼血生血當歸和血川芎
升麻枳壳寬腸

○漏瘡先須用補藥以補氣血參芪歸朮為主太劑服之外以
附子為末津和作餅子如錢厚以艾多多之漏太者艾炷
亦大漏小者艾炷亦小灸令微熱不可令痛餅乾即易之
再和再灸又以補氣血藥作膏藥貼之

○一方治痔瘡腫痛用蝸牛一名蝸陰乾為末付之即愈或用香
油浸蝸牛月餘而以其油沫之亦効

○洗藥用五倍子朴硝桑寄生蓮房煎湯先薰後洗
○又方治痔瘡風腫疼痛用胡麻子煎湯洗之其腫即消

○又方用木鱉子五倍子共為細末調付
○塞藥用炉甘石煨以童子尿淨之牡蛎煨共為末付之
○又方用馬蘭草根研細付上片時看肉平藥稍遲恐肉反出

○腸風獨在胃與大腸出用黃芩秦艽槐角青黛外麻

肥上皆○一方用大黃煨桃仁去尖各三錢蟬皮多黃連秦艽

槐角子略當歸煨柳皂角仁黃柏炒荆芥枳壳各五

右為末麩糊為丸如梧桐子大每服五十九丸白湯下如不

鮮血者加棕招灰蓮房灰

○秦艽羌活湯治痔漏成塊下垂不任其痒

羌活二分秦艽一分黃芪各一分防風去芦七分

升麻二分炙甘草一分麻黃一分柴胡各五分

藁本三分細辛一分紅花各少許

右細切作一服水煎服忌寒風處大小便

○秦艽蒼朮湯治痔核已破謂之痔漏大便秘澀必作大痛
此濕熱風燥四氣合而為病故太腸頭成塊者濕也作大
痛者風也大便秘結者熱受火邪也其西方肺金主氣其

体收下亦助病為邪須當用破氣藥蕪之其効如神

秦朮去芦 桃仁去皮尖 皂角仁燒存性 蒼朮 米泔浸

防風各七分 黃柏酒洗五分 當歸稍酒洗 澤瀉各三分

枳榔二分 大黃少許雖大便過澀亦不可多用

右件除枳榔桃仁皂角仁三味另研外餘藥細切作二服

水三盞煎至一盞二分去粗入枳榔等三味末子再上炙

煎至一盞空心熱服待少時以羹臙壓之不犯胃氣也服

藥日忌生冷硬物及酒濕麪大料椒姜等物若犯之其藥

無効如有白膿加白葵花頭五朶去萼心青皮半水入正

藥中同煎木香三分為細末同枳榔等三味依前煎服

堧

○秦朮當歸湯治痔漏大便結燥疼痛
枳實各一分 澤瀉
大黃煨四 秦朮去芦

當歸稍 皂角仁 白朮各五分 紅花少許

桃仁二十箇去尖研細

右細切作一服水三盞煎至一盞食前服忌如前

堧

○秦朮防風湯治痔漏每白大便時發疼痛如無疼痛者非

痔漏也此藥主之
秦朮 防風 當歸身 白朮各一錢半

炙甘草 澤瀉各六分 黃柏酒洗五分 大黃煨

陳皮各三分 柴胡 升麻各二分 桃仁三十箇去

紅花少許

右細切作一服水三盞煎至一盞去粗稍執空心服之避

堧

○當歸郁李仁湯治痔漏大便硬努出大腸頭下血苦痛
皂角仁各一錢 枳實七分 秦朮去芦

麻仁

當歸稍

生地黄

蒼朮各半斤

大黃煨

澤瀉各三分

右細切作一服除皂角仁為末用冰三盞煎至二盞去粗

入皂角仁末和勻空心服忌如前

堉

○紅花桃仁湯治痔漏經年因而飽食筋脉橫解腸澀為痔

治法當補北方瀉中央

黃栢一錢半

漢防已

澤瀉八分

蒼朮六分

當歸稍

防風稍

猪苓各半錢

麻仁二分

紅花少許

桃仁十個

右細切作一服水三盞煎至二盞去粗稍熱服忌如前

堉

○七聖丸治大腸疼痛不可忍脉訣云積氣生於脾藏傍大

腸疼痛陣難當但令稍瀉三焦火莫慢多方立紀綱

羌活一兩

郁李仁湯浸去皮尖另研

大黃煨八錢

栝榔

桂心

木香

川芎各五錢

右除郁李仁另研細別入外其餘共為細末煉蜜為丸如梧

桐子大每服三五十九白湯下食前服取微利一服而愈

切禁不得多利大便其痛滋甚

堉

○秦艽白朮丸治痔疾并漏有膿血大便硬燥疼痛不可忍

秦艽去芦

桃仁去皮尖

皂角仁燒存性各一兩當歸稍酒浸

澤瀉

枳實麩炒

白朮各五錢地榆三錢

右為細末和桃仁泥再研勻麩糊為丸如雞頭實大令藥

光滑焙乾每服五七十九白湯空心下待少時以羹膳壓

之忌生冷硬物冷水生菜之類并酒濕麩及辛辣大料熱

物犯之則藥無驗也

○脫

疰證左音工下部病也

屬氣血虛與熱氣虛參芪升麻川芎血虛四物湯熱加黃

栢外以五倍子為末托而上之一次未收至五次七次必收

○又方以陳壁土炮湯先薰後洗

○又方以鱉頭燒存性為末真麻油調付即收龜頭亦可

○祖傳經驗秘方七花九治腸風下血久痔皆効

山茶花

芙蓉花

石榴花

檢漆花

松花

白茅花各一月俱燒存性

槐花二月炒

枳壳一兩麩炒

甘草炙半刀

地榆一錢

檳榔二錢半

右為細末醋調麩糊為丸如梧桐子大每服七八十九煎

烏梅湯下

○又方治腸風下血等証

乾柿餅

燒存性秤灰二刀

酒瓶箬包酒過一年者或二

百藥煎一月如無以五倍子

烏梅燒存性

已上各二刀

槐花半兩炒

枳壳半兩麩

右為細末醋糊為丸如梧桐子大每服七八十九醋湯下

或加檳榔半兩

汗証

四十九

論

內經曰心之液為汗原病式曰心熱則出汗東垣曰西南坤土也在久則為脾胃夫人之汗猶天地之雨陰滋其濕則為霧露為雨也據內經獨主於心而東垣又指脾胃而言何也蓋心為君火主熱脾胃屬土主濕濕熱相搏為汗明矣亦如地之濕氣為雲霧而上升其天地若不下降則不能成霖雨也又如醝中燒酒若非湯火蒸淘則不能成汗液也夫各藏皆能令汗出汗獨心與脾胃主濕熱乃總司耳故內經又曰飲食飽甚汗出於胃驚而奪精汗出於心持重遠行汗出於

腎疾走恐懼汗出於肝，搥體勞苦汗出於脾，若夫自汗與盜汗者，病似而實不同也。其自汗者，無時而濺，濺然出動，則為甚，屬陽虛胃氣之所司也。盜汗者，寐中而通身如浴，覺來方知，屬陰虛榮血之所主也。大抵自汗宜補陽，調衛盜汗宜補陰，降火則大法。心虛而冷汗自出者，理宜補肝，益火之原，以消陰翳也。陰虛火炎者，法當補腎壯水之主，以制陽光也。醫者宜詳辨之，毋錯。

脈法

脈大而虛浮而轉者汗，在寸為自汗，在尺為盜汗。傷寒脈陰陽俱緊，當無汗。若自汗者，曰亡陽，不治。

丹溪曰

自汗屬氣虛，屬濕與執盜汗屬血與陰虛。火氣上蒸，胃中之濕亦能作汗，涼膈散主之。

○治自汗用入參黃芪少佐，以桂枝陽虛者附子亦可用。

○瘵病亦有汗者。

○麥煎湯治諸虛不足及新病暴虛津液虧欠，體常自汗，夜

睡則甚，久而不正，體瘦心忪，驚惕短氣疲倦。

牡蠣 黃芪 麻黃根 各一升

右細切作一服，入小麥百餘粒，水煎服。

○調衛湯治濕勝自汗，補衛氣，虛弱表虛，不任風寒，証。

黃芪 麻黃根 各一升 羌活 二分 生甘草

賞歸 稍各五分 生地黃 麥門冬 各三分 生黃芩

半夏 各五分 摺苓 二分 蘇木 紅花 各一分

五味子 七粒 愚恐自汗陽虛之証不應下羌活半夏生薑

右細切作一服，加生薑三片，水二盞，煎至一盞，去粗稍熱服。

○當歸六黃湯盜汗之聖藥也

當歸 一子

生地黃

熟地黃

黃栢 各七分

黃芪 一子

黃連

黃芩 各七分

右細切作一服水一盞煎至一盞食前溫服小兒減半又

曰小兒不須治病小兒難能自愈然不治尤妙

○黃芪建中湯治自汗及盜汗皆效方見傷寒門桂枝湯或加浮小麥一撮尤妙

○四制白朮散治盜汗

白朮杜蠟同炒一刃以黃芪同炒一刃以石解同炒一刃以

右取白朮一味為末每服三錢粟米湯調下

○正氣湯治盜汗

黃栢 知母 各一子半 甘草 炙半本

右細切水煎服之

○白朮散治飲酒中風多汗食即汗出如油漏又不治必成

消渴

牡蛎 三子 炒 白朮 一刃 二子 防風 二刃半

右為細末每服一錢溫水調下不拘時候如惡風倍防風

白朮如多汗面腫倍牡蛎

○丹溪活套云仲景桂枝湯治外感風邪自汗之聖藥也黃芪

建中湯治外感挾氣虛自汗之劑也東垣補中益氣湯內

治傷寒氣虛自汗之妙劑也甚者六脈浮濡而虛本方加

附子以治陽虛其效如鼓應桴○如左寸脈浮洪而自汗

者心火炎也本方倍參芪加麥門冬黃連五味子各半錢

○如左關脈浮弦而自汗者挾風邪也本方加桂枝芍藥

各半錢若不陰虛只有桂枝湯可用也○右關脈浮洪無

勞而自汗者只因本方倍參芪而自愈○右尺脈洪數無

勞而自汗者或盜汗相火挾君火之勢而尅伐肺金也本

方加黃連黃芩黃柏各半錢只用當歸六黃湯○左尺脉
淨洪無力而自汗者水虧火盛也本方加知母黃柏各半
錢熟地黃一錢壯水之主以制陽光也○九內傷及一切
虛損之証自汗不休者總用補中益氣湯少加附子麻黃
根浮小麥其効捷如影響但升麻柴胡俱用蜜水制炒以
殺其升發勇悍之性又欲其引參芪等藥至肌表故不可
缺也○九上所云皆指內傷虛損自汗之証故皆以補中
益氣為主治之藥也

○上湖呂俊文得內傷虛証發熱自汗如雨不止服補中益氣
湯十數貼不効予以前方加減每貼用蜜制黃芪一錢半
人參一錢白朮甘草陳皮各七分當歸白芍藥各一錢升
麻柴胡各一分加桂枝三分麻黃根七分浮小麥一撮炮
附子三分三貼而汗止熱亦退而安

瘧病 五十

論

內經曰諸瘧滑氏曰瘧項強皆屬於濕注云太陽濕也又曰諸暴
強直皆屬於風注云陽明鬱原病式曰筋勁強直而不柔
和也夫肝木屬風而主筋經曰諸暴強直屬風理宜然也其
所謂諸瘧項強而屬於濕者何與蓋太陽陰虛甚則蒸風化
充則害承迺制也是故知瘧之為病濕為本風為標耳故仲
景有剛柔二瘧之分不可不辨蓋剛為陽瘧而柔為陰瘧也
若夫太陽發惡熱無汗惡寒脉弦長脘急胃滿口噤手足牽
急咬牙甚則搖擗角弓反張此為剛瘧太陽微熱多汗不惡
寒脉遲濇弦細四體不投時之搖擗開目合口此為柔瘧太
抵因風濕二氣襲於太陽之經亦有輕重之分其風氣勝者
為剛瘧風性剛急故也濕氣勝者為柔瘧濕性柔和故也外

有諸虛之候表虛不任風寒亦能成瘧是以或產後或金瘡
或跌仆撲傷癱疽潰膿之後一切去血過多之証皆能成此
疾也是乃虛為本而風為標耳亦有絕無風邪而亦能使入
筋脈寧急而為角弓反張之候者血脫無以養筋故也丹溪
甚言不可作風治而用風藥恐反燥其餘血而致不救也可
不慎與

脈法

脈經曰太陽病發熱其脈沉而細者為瘧

瘧脈來按之繁々然而弦直上下行

瘧家其脈伏弦直上下

瘧病發其汗已其脈發々然而絕暴腹脹大為欲解脈如

故反伏弦者必瘧此瘧字恐當作死字

太陽脈其証倫身體強凡凡然脈沉遲此為瘧瓜麥桂枝

湯主之

丹溪方法

丹溪曰大率與瘧相似比瘧為虛切不可作風治而純用風

藥多屬氣血虛有火有痰宜補其陰降痰火參芪芩歸竹歷

之類

○一方治少年瘧瘡醫後成瘧口噤不開四肢強直時或逆脘

腹痛一陣則冷汗如雨痛定汗止脈極強緊如真弦先因

勞倦傷血瘡後血愈虛而又感風寒當用溫藥養血辛涼

散風芍藥當歸為君川芎青皮鈎鈎藤為臣白朮甘草為

佐桂枝木香黃連為使更加紅花少許水煎服愈

活人括萎桂枝湯治太陽傷寒成瘧

括萎根

甘草炙

各三升

桂枝

芍藥

生姜

各三升

大棗十二枚

右六味細切作一服以水九升煮取三升作三服連飲取微汗如汗不出少頃以熱粥湯發之

活人葛根湯治太陽病無汗而小便反少氣上衝胃口噤不得語欬作剛瘧 方見傷寒門

活人麻黃葛根湯治剛瘧無汗惡寒 方見傷寒門
麻黃 赤芍藥 各三升 乾葛 四升半 葶藶 半合

右細切作一服水二大盞葱白三莖煎八分稍熱服

此大承氣湯治剛瘧大便實熱 方見傷寒門

皆桂枝葛根湯治柔瘧有汗不惡寒 方見傷寒門

活人桂枝括萎根湯治柔瘧通用 方見中風門

金匱小續命湯治剛柔二瘧通用 方見中風門

風養血 ○防風當歸散治發汗過多發熱頭暈口噤背反張者宜去

防風

當歸

川芎

生地黄

各二升

右細切作一服水煎服

東垣 ○當歸補血湯治一切去血過多因無血養筋令人四肢掣急口噤如瘧

黃芪 一升 當歸 五升 酒浸洗淨

右細切作一服水二盞煎至一盞溫服 ○如扶風或煎破

傷風者加防風羌活各一錢荆芥穗一錢半甘草半錢減

去黃芪一半煎服

○活人舉卿舉敗散治新產血虛發瘧者汗後中風發熱亦然 荆芥穗 不拘多少微炒

右為末每服三五錢外以大蘗黃卷以熱酒沃之去黃卷用汁調下其効如神

○丹溪活套云昔之所謂剛柔二瘧者當以虛實論之是也

屬外感一屬內傷屬外感者為剛症宜用麻黃葛根湯括
萎桂枝湯小續命湯在裏者大承氣湯之類○屬內傷者
為柔症宜用補中益氣湯八物湯四物湯之類如以風濕
一事分剛柔而治恐誤醫者不勝其多今以虛實分治其
理昭然無疑矣

○陶氏婦年二十餘身材小質形瘦弱月經數忽後日發瘧口
噤手足挛縮角弓反張予知其去血過多風和乘虛而入
用四物湯加防風羌活荆芥少加附子行經二貼病減半
六貼病全安

厥証 五十

論

內經曰陽氣衰於下則為寒厥陰氣衰於下則為熱厥又曰
寒厥者此人質壯以秋冬奪於所用下氣上爭不能復精氣

溢下和氣因從之而上也氣因於中由陽衰不能滲管其經
絡陽氣日損陰氣獨在故手足為之寒也熱厥者此人必醉
飽入房精氣中虛酒入於胃則絡脉滿而經脉虛脾主為胃
行其津液者也陰氣虛則陽氣入陽氣入則胃不和胃不和
則精氣竭精氣竭則不能滲管其四肢也氣聚於脾中不得
散酒氣與穀氣相薄熱盛於中故熱遍於身內熱而弱赤也
胃氣日衰陽氣獨盛故手足為之熱也又陰氣盛於上則下
虛下虛則腹脹滿則下氣重上而和氣厥厥則陽氣亂陽氣
亂則令久暴仆不知人或至平日遠至一日乃知人也名曰
尸厥考之張仲景傷寒論陰陽二厥之証皆指手足逆冷而
言也河間原病式曰陰厥者原病脉候皆為陰証身涼不渴
脉遲而微陽厥者原病脉候皆為陽証煩渴謔妄身熱而脉
數若陽厥極深或失下而至於身冷反見陰証脉微欲絕而

死者此為極熱而然俗醫妄謂變成陰証急用執藥助其陽氣以致十無一生也愚按內經所謂寒熱二厥者皆常病虛損証也並宜補益之法但熱厥補陰寒厥當補陽耳正經所謂壯水之主以鎮陽光之益火之原以消陰翳也若夫傷寒論所謂陰陽二厥者冰炭殊途治法亦異診察之間死生反掌醫者其可不盡心乎

脈法

脈經曰寸口沉大而滑沉則為實滑則為氣實氣相搏血氣入於藏則死入於府則愈此為卒厥不知人唇青身冷為入藏即死如身溫和汗自出為入府而後自愈活人書云陽厥脈滑而沉實陰厥脈細而沉伏方法丹溪方法凡一條

丹溪曰厥因氣虛血虛者多氣虛脈細血虛脈大如葱管熱

厥脈數外感脈浮而實有痰者脈弦熱用承氣湯痰用白朮竹瀝外感宜解散藥中加姜汁服上

○活人書曰初得病身執頭痛大便秘小便赤或畏熱或飲水或揚手擲足煩燥不得安臥譫語昏憤而厥此陽厥也大柴胡湯大小承氣湯治之渴者白虎湯妙○手足厥冷脈乍熱結此和氣結在胃心下煩滿飢不能食瓜蒂散吐之○寒熱而厥面色不澤胃味兩手忽無脈或一手無脈必是有正汗也多用綿衣包手足急服五味湯或兼與桂枝麻黃各半湯須臾大汗而解○傷寒厥逆心下怔忡者宜先治水茯苓甘草湯主之○如得病後四肢逆冷脈沉而細足挛臥而惡寒引衣蓋覆不欲冰或下利清穀而厥逆者陰厥也四逆湯白通湯厥逆脈不至者通脈四逆湯手足指頭微寒者謂之清理中湯無熱証而厥當歸四逆加

茱萸生姜湯喘促脈伏而厥五味子湯吐利手足厥冷煩燥欲死吳茱萸湯

活○五味子湯治陰厥脈伏手足逆冷

五味子一兩 人參 麥門冬 杏仁

陳皮半斤 各

右細切用水三盞生姜十片棗二枚剪至三盞半去粗分作二服

○桂枝麻黃各半湯方見傷寒門

○茯苓甘草湯治陽厥怔忡手足厥逆心下有水氣

茯苓 桂枝各二斤 甘草一斤 生姜三斤

右細切作一服水一盞半煎至一盞去粗溫服

活○通脈四逆湯治証陰厥下利清穀四肢逆冷脈微

甘草六斤半 附子大者一 乾姜一斤

如面赤者加葱九莖嘔者加生姜咽痛加桔梗利止脈不

出加入參用水三大盞煎至一盞半去粗分作二服

活○當歸四逆加茱萸生姜湯治無執証而厥

當歸 芍藥 桂枝 細辛各二斤

甘草 通草各六斤半 茱萸三斤 生姜六斤

右細切水三升煮至一升半分三服

活○吳茱萸湯治陰厥吐利手足逆冷煩燥欲死

吳茱萸 生姜各五斤 人參二斤半

右細切作一服水二盞煎至一盞半大棗一枚服

活○蘇合香丸治卒厥不知人未詳風痰氣厥先與此藥極妙

每用一九以湯調化灌之即醒醒後察脈後用他藥

○丹溪活套云熱厥四肢煩執蓋濕熱鬱于脾土之中治用東

垣升陽散火湯火鬱湯之類寒厥手足逆冷者多是氣血

不足補氣血藥加附子飲酒人或體肥盛人手足熱者濕痰鬱火盛也二陳湯加苓連梔子之類若忽然手足逆冷卒厥不知入者多屬痰火亦有陰先虧而陽暴熱者宜多用參膏兼竹瀝姜汁與之人瘦弱者雖無痰而火亦盛也服竹瀝亦能養血而降火

癩狂疳証

五十一

論

內經曰巨陽之厥則腫首頭重足不能行發為胸仆胸搖其也是蓋陽氣逆亂故令人卒然暴仆而不知入氣復則甦此則癩之類也又曰陽明之厥則顛疾欲走呼腹滿不得卧面赤而熱妄見妄言又曰其則棄衣而走登高而歌踰垣上屋罵詈不避親疎是蓋得之於陽氣太盛胃與大腸實熱燥火鬱結于中而為之耳此則顛狂之候也曰顛曰狂分而言之

亦有異乎難經謂重陰者顛重陽者狂素問註云多喜為顛多怒為狂然則喜屬於心而怒屬於肝乃二藏相火有餘之証難經陰陽之說恐非理也大抵狂為痰火實盛顛為心血不足多為求望高遠不得志者有之癩病獨主乎痰因火動之所作也治去癩宜乎吐狂宜乎下顛則宜乎安神養血兼降痰火雖然此二証者若神脫而目瞪如愚痴者縱有千金我酬吾未如之何也已矣

脈法

脈大堅疾者顛狂

脈虛弦為驚為風癩

脈沉數為痰熱

脈大滑者自已

虛而弦急者死

沉小急疾者死

于口沉大而滑沉則為實滑則為氣實氣相搏入藏則死入府則愈丹溪曰癩狂脈虛易治實者難治

丹溪方法
五條

丹溪曰癩証大率屬痰與熱不必分五等大法行痰為主藥
用黃連南星瓜蒌半夏尋火尋痰分多少治無不愈者有
熱者用涼藥以清心有痰者必用吐吐後用東垣安神丸
及平肝之藥青代柴胡川芎之類

○癩狂原病式所論甚精蓋以世以重陰為癩重陽為狂誤也

木槩皆是熱耳盧氏曰重陰重陽之分難經之言也河間
發皆謂熱也心熱甚則多喜火旺則金不得平木則肝實
而多怒也又發熱于中則多干咽明經謂陽明之發則顛
疾又謂服膏梁芳草石藥則熱氣燥悍發為顛狂以原病
式本素問之論以明顛狂俱是熱病而重明之說非也

○大率多因痰結於心胃間宜開痰鎮心神亦有中邪者以治
邪法治之

○神不守舍狂言妄作經年不愈如心經蓄熱當清心除熱如
痰迷心竅當去痰寧心宜大吐大下愈

丹溪上 ○一方治癩証用大蝙蝠一箇以硃砂三錢填其腹內以
新瓦盛火炙令熟酥為度候冷為細末每一箇分作四服

氣弱及年幼者作五服空心白湯調下

鑿 ○龍腦安神丸治男女五般顛癩無間遠近發作無時

茯神 三兩 人參 地骨皮 甘草

麥門冬 桑白皮 各二兩 馬牙硝 二兩 龍腦

麝香 各三分 牛黃 五兩 硃砂 二兩半 烏犀角 一兩

金鉞 片 三十五

右為細末煉蜜為丸如彈子大金鉞為衣如風癩病冬月
溫水化下夏月涼水化下不拘時二三歲者日進一服大
人每服一丸小兒一丸分作二丸服虛勞發熱咳嗽新汲
水化下

鑿 ○神應丹治諸癩

辰砂不拘多少研細
右以猪心血和得所以蒸餅褻蒸熟取出就丸如梧桐
子大每服一丸食後臨卧煎入參湯下

○錢氏五色丸治諸癩

硃砂半兩 水銀二兩 雄黃一兩 珍珠一兩 另研

鉛三兩用
銀水同熬

右和勻再研極細麩糊為丸如麻子大每服三四丸別煎

金銀薄荷湯送下

○元戎二白丸治痰涎為病患以致癩癩狂妄驚悸等証

白礬一兩 輕粉一字或半兩量虛實加減

右用生蒸餅劑褻蒸熟去皮可充入輕粉丸如梧桐子大

每服二三十丸生薑湯下小兒如黍米大一

○按萃妙香丸治時毒傷寒解五毒潮熱積熱及小兒驚癩等

証上

辰砂別研 龍腦 膩粉 射香研各五兩

牛黃五兩 金箔九十片研 巴豆二兩及油 二十五粒去皮

右合研勻煉蜜為丸每兩分作二十九丸米飲下

○子和硃砂瀼涎丸治五癩等証

硃砂 白礬生用 赤石脂 硝石各等分

右為細末研蒜膏為丸如菉豆大每服三十九丸食後荆芥

湯下

○局方碧霞丹治痰涎壅塞牙關緊急目睛上視癩癩在妄等

証上 石綠半兩 附子尖 烏頭尖 蝎稍各二十个

右為末入石綠令勻麩糊為丸如雞頭實大每服一丸渡

荷湯化下更以温酒半合飲之須臾吐出痰涎然後隨証

以他藥治之如口噤者擗開灌之

○控涎丹治痰迷心竅狂言謔語如有所見方見痰飲門

○牛黃瀉心湯治心經邪熱狂言妄語心神不安

腦子另研 牛黃另研 硃砂另研 絡大黃生一刃

右各研為細末和勻再研每服三錢涼生薑蜜水調下

○牛黃清心丸治心氣不足神志不定驚恐顛狂語言謔妄

虛煩少睡甚至棄衣而走登高而歌踰垣上屋等証

羚羊角末一刃 人參去芦二 白茯苓二刃 川芎一刃 二

防風去芦一刃 阿膠炒七 乾姜炒七 白朮一刃 半

牛黃研一刃 射香研一刃 犀角末二刃 雄黃研飛八刃

龍腦研一刃 金箔一千四百片內 白芍藥一刃 柴胡去芦一刃

甘草剉炒五 乾山藥七刃 麥門冬去心一刃 桔梗去芦一刃

杏仁去皮尖及雙仁者剉 黃芩一刃 半 神曲炒二刃 半

大棗一百个蒸熟去皮核研 白欬七刃半 蒲黃炒二刃半

大芫黃卷一刃 七刃半 炒 當歸去頭一刃半

肉桂去皮一刃 七刃半

右除棗杏仁金箔外牛黃龍腦射香雄黃四味研為細末
入餘藥和勻煉蜜入棗膏為丸每兩作十九金箔為衣每
服一丸食後溫水化下

○丹溪活套云五志之火因七情而起鬱而成痰故為癩癩狂

妄之証宜以人事制之非藥石所能療也須診察其由以

平之怒傷於肝者為狂為癩以憂勝之以恐解之喜傷于

心者為顛為癩以恐勝之以怒解之憂傷于肺者為癩為

顛以喜勝之以怒解之思傷于脾者為癩為顛為狂以怒

勝之以喜解之恐傷于腎者為顛為癩以思勝之以憂解

之驚傷于膽者為顛以憂勝之以恐解之悲傷于心胞者

為顛以恐勝之以怒解之此法惟賢者能之耳

○祖傳經驗秘方治癩癩神効方

九節菖蒲一味不拘多少不聞雞犬聲

右以木臼杵為細末不能犯鐵器用黑犢猪心以竹刀批

開沙灌煮湯送下每日空心服二三錢灌異本作罐又確

和崇五十二

論

內經曰和氣盛則實正氣奪則虛夫經之所謂和者風寒暑濕燥火有餘之淫邪耳非若世俗所謂鬼神之妖怪也病有心虛驚惕如醉如痴如為邪鬼所附或陽明內實以致登高而歌棄衣而走皆痰火之所為實非妖邪之所迷也古雖有禁呪一科及龍樹呪法之治皆移精變氣之術但可解疑釋惑以使心神之歸正耳何和崇之可祛哉丹溪曰血氣者

心之神也神既衰乏邪因而入理或有之按此恐指山谷間若夫血氣兩虛痰塞心竅妨礙升降不得運行以致十二官各失其職視聽言動皆為虛妄以知治之其人必死可不審乎

脈法

脈乍疎乍數乍小或促或結皆邪脈也

脈緊而急者通死

方法

丹溪曰俗云衝惡者謂衝邪和惡鬼祟而病也如病死者未有不因氣血先虧而致者馬

○素問遺篇曰人憂愁思慮則傷心又驚而奪汗出於心或遇少陰司天天所不及因而三虛神明失守蓋心為君主之官神明出焉神既失守神光不聚却遇水不及歲有黑屍

鬼見之令久暴亡治法刺手少陽之所過陽池穴也復刺
 心膻即生○人飲食勞倦則傷脾又飲食飽甚汗出於胃
 醉飽入房汗出於脾或遇太陰司天天數不及因而三虛
 脾神不守蓋脾胃諫議之官志意出焉神既失守神光不
 聚却遇土不及歲有青尸鬼見之令久暴亡可刺足陽明
 之所過衝陽穴也復刺脾膻即生○人久坐濕地強力入
 水則傷腎又遇持重遠行汗出於腎或遇太陽司天天數
 不及因而三虛腎神不守蓋腎為作強之官技巧出焉神
 既失守神光不聚却遇水不及歲有黃屍鬼見之令久暴
 亡可刺足太陽之所過京骨穴也復刺腎膻即生○人恚
 怒氣逆則傷肝又遇疾走恐懼汗出於肝或遇厥陰司天
 天數不及因而三虛肝神不守蓋肝為將軍之官謀慮出
 焉神既失守神光不聚却遇木不及歲有白屍鬼見之令

人暴亡可刺足少陽之所過丘墟穴也復刺肝膻即生○
 人形寒飲冷則傷肺復登高疾走喘出於肺或遇陽明司
 天天氣不及因而三虛肺神不守蓋肺為相傳之官治節
 出焉神既失守神光不聚却遇金不及歲有赤尸鬼見之
 令久暴亡可刺手陽明之所過合谷穴也復刺肺膻即生
 愚按人見五色非常之鬼皆自巳精神不守神光不完
 故耳實非外邪所侮乃元氣極虛之候也因患者親目
 所視故實信真為邪鬼所迷但當推其同行同坐者不
 見有胎足可以決疑耳

△五邪刺法

○肝虛見白屍鬼而後暴厥不知人名曰卒死五邪病自中神
 彩不變四肢雖冷心腹尚溫口中無涎舌不卷外不縮者
 可刺之復甦
 丘墟二穴在足外踝下（下）如前陷中去臨泣穴五寸足少陽
 之原也以毫鍼刺入三分得氣則補留三呼徐徐出鍼按

口中閉氣腹中鳴者可治更刺肝膈

○肝膈二穴在背第九椎下兩傍各一寸半以毫鍼刺二分得氣則補留三呼次進二分留三呼復取針至三分留一呼徐出鍼氣及即甦

○心虛見黑屍鬼而後暴厥不知入四肢雖冷目中精彩不變氣雖閉絕舌不卷如不縮未出一時可治刺之復甦陽池之二穴在手表腕陷中手少陽之原也用毫鍼刺入二分得氣則補留七呼次進一分留三呼復退留一呼徐徐出鍼手捫其穴更刺心膈

○心膈二穴在背第五椎下兩傍各一寸半用毫針刺入七分得氣則補留一呼次進一分留一呼退至二分留三呼徐徐出鍼以手捫其穴即甦

○脾虛見青屍鬼而後暴厥不知入四肢冷而身溫唇溫不出

一時可治

○衝陽二穴在足趺上骨間動脈去陷谷三寸足陽明之原以毫鍼刺入三分得氣則補留三呼次進二分留一呼徐徐退鍼以手捫之復刺脾膈

○脾膈二穴在背第十椎下兩傍各一寸半以毫鍼刺入三分得氣則補留二呼進二分動氣至徐徐出鍼即甦

○肺虛見赤屍鬼而後暴厥不知入雖無氣手足冷心腹溫鼻微溫目中神彩不變口中無涎舌不卷如不縮者未出一時可治

○合谷二穴在手大指次指兩岐骨間手陽明之原也用毫針刺入三分得氣則補留三呼復進一分留一呼徐徐出鍼以手捫其穴復刺肺膈

○肺膈二穴在背第三椎下各一寸半用毫鍼刺入一寸半

得氣則補留三呼次進二分留一呼徐徐出鍼以手捫穴即甦

○腎虛見黃屍鬼而後暴厥不知入氣絕四肢厥冷心腹微溫目中精彩不變唇舌不黑口中無涎可救

京骨二穴在足外側大骨下赤白肉際陷中足大陽之原用毫針刺入一分半得氣則補留三呼進至三分留一呼徐徐出針以手捫穴復刺足少陽之膈

足少陰之膈在背第廿椎下兩傍各一寸半用毫針刺入三分得氣則補留三呼次又進五分留二呼徐徐出針以手捫其穴即甦凡以上刺法必先以口含針煖而刺之則經脈之氣無拒逆也

○丹溪治一婦人如癩或作或輟恍惚不省人事一日畧蘇醒診視間忽聞床上有香氣繼又無所知識丹溪曰氣因血

虛亦從而虛邪因虛入理或有之遂以秦承祖灸鬼法灸治病者哀告曰我自去我自去即愈

○秦承祖灸鬼法治一切驚狂謔妄踰垣上屋罵詈不避親疎等証

以病者兩手大拇指用細麻繩扎縛定以大艾炷置於其中兩介甲及兩指角肉四處著火一處不着即無効灸七壯神驗

○還魂丹治中惡已死
麻黃三兩 桂枝二兩 杏仁十二粒
右作一服水煎灌下即醒

○桃奴丸治心氣虛怯有執屍注屬也驚馬癩等証
桃奴即桃木二兩上不落乾桃 辰砂半兩 桃仁研 四个 另
玳瑁一兩 琥珀三兩 烏犀角五斤 石水上磨

玳瑁一兩 琥珀三兩 烏犀角五斤 石水上磨

牛黃一兩 龍腦二兩

射香一兩

雄黃飛三兩

安息香酒研飛

右以安息香同杏仁琥珀共熬成膏和諸藥末為丸如雞

頭實丸陰乾每服一丸入參湯化下

○蘇合香丸治諸般怪疾方見氣門

○一方治魘死不還用半夏末不拘多少吹入鼻中即醒

○祖傳經驗辟邪丹治衝惡怪疾及山谷間九尾狐精為患

人參

茯神

遠志

鬼箭羽

九節菖蒲

白朮

蒼朮

當歸各一兩

桃奴焙乾

雄黃另研

辰砂各三錢

牛黃一兩

金箔二十片

或加射香一錢

右件以杏仁奴已上諸藥為細末入雄黃辰砂牛黃三味
末子和勻以酒調米粉打糊為丸如龍眼大金箔為衣臨

即以木香湯化下一丸諸邪不敢近躰更以絳紗囊盛五

七丸懸床帳中尤妙

○一婦人年二十七美貌得二証如醉如癡頰赤面青畧有潮

熱飲食不美其脉乍疎乍數而虛每夜見白衣少年與睡

下醫與八物湯服數十劑不効乃予治之見其家有一白犬

卧枕戶闔予曰必此犬作怪命殺犬取其心血及膽汁丸

安神定志之藥以八物湯吞下服藥十數劑左藥下料以

安其神藥用遠志石菖蒲川歸黃連茯神硃砂側柏葉草

龍胆等藥也

怔忡驚悸健忘証 五十三


論

內經曰心者君主之官神明出焉夫怔忡驚悸之候或因怒氣傷肝或因驚氣入膽母能令子虛因而心血為之不足又或遇事繁冗思想無窮則心君亦為之不寧故神明不安而怔忡驚悸之証作矣夫所謂怔忡者心中惕惕然動搖而不得安靜無時而作者是也驚悸者驚然而跳躍驚動而有欲厥之狀有時而作者是也若夫一証之因亦有清痰積飲留結於心胞胃口而為之者又不可固執以為心虛而治醫者自宜以脈証參究其的而藥之毋認非以為是也慎之慎之

脈法

寸口脈動而弱動為驚弱為悸

跌陽脈微而浮此浮為胃氣虛微則不能食恐懼之脈憂迫所致也



寸口脉紧跌阳脉浮胃氣則虛是以悸
肝脉動暴有所驚核

方法丹溪方法

丹溪曰屬血虛有慮便動屬虛時作時止者痰因火動度久
多是血少肥人只是痰多時覺心跳者亦是血虛怔忡無
時驚悸有時而作

○大法四物湯安神丸之類有痰者用痰藥

○驚悸者屬血虛用硃砂安神丸最好或用痰迷心竅者宜用
治痰藥

○一方治勞後大虛心跳

硃砂

白芍藥

當歸身

側柏葉各三升

川芎

甘草

陳皮各一錢

炒黃連一升半

右為細末猪心血為丸如黍米大每服五六十九津唾

下或少用白湯下送下食後臨卧服

局○驚悸養心湯治肥人因痰火而心惕然跳動驚起

黃芪

茯神

半夏麩

川芎各半升

遠志

桂心

栝子仁

酸棗仁炒

五味子

人參各二分半甘草四分

右細切作一服生薑三片大棗一枚水一盞煎至七分服
如停水加茯神栝榔各三味同煎

○安神丸

黃連

酒洗半錢

砂水一錢

生地黄酒洗當歸身酒洗

甘草各半錢

右為細末湯浸蒸餅為丸如黍米大每服十五丸食後津
唾燕下硃砂安神丸無地黃當歸用生甘草

○温膽湯治心膽怯怔忡易驚

人治

項東

半夏

陳皮三錢

竹茹 甘草一錢

枳壳實各二錢 生薑 四錢

方

○定志丸治心氣不足恍惚多忘及怔忡驚悸等証

人參

白茯苓各三兩 遠志去心

石菖蒲各二兩

右為細末煉蜜為丸如梧桐子大硃砂為衣每服五十九食後白湯下

問河○朱雀丸治怔忡驚悸等証

茯神二兩

沉香半兩

硃砂半兩研為衣

右為細末蒸餅丸如梧桐子大每服五十九人參湯下

東○八物定志丸平補心氣安神鎮驚除膈間痰執等証

遠志去皮心 石菖蒲

麥門冬

茯神

白茯苓略一 白木半兩

人參一兩半 牛黃二錢另研

煉蜜丸如梧桐子大硃砂為衣每服二十九白湯送下

白木

茯神

黃芪

龍眼肉

酸棗仁略一人參

木香各半錢 甘草二分半

右細作一服水二盞加生薑二片大棗一枚煎至二盞去粗溫服

○祖傳經驗秘方治憂愁思慮傷心令人惕然心跳動驚悸不

安之証

川歸酒洗

生地黃 酒洗

遠志去心

茯神各五錢

石菖蒲九

黃連略半

牛黃一錢

辰砂二錢

金箔十五片

右以前六味研細入牛黃辰砂二味末子猪心血丸如黍米大金箔為衣每服五十九煎燈心湯送下

論

內經曰二陽結謂之消又曰痺成為消中東垣曰二陽者陽明也手陽明大腸主津液若消則目黃口乾乃津液不足也足陽明胃主血若熱則消穀善饑血中伏火乃血不足也結者津液不足結而不潤皆燥熱為病也此因數食甘美而多肥故其氣上溢轉為消渴治當以蘭除陳氣也不可服膏粱芳草石藥其氣慄悍能助燥熱也岐伯曰脉實病久可治脉弦小病久不可治當分三消而治之高消者舌上赤裂大渴引飲經曰心移熱於肺傳為膈消者是也以白虎加人參湯治之中消者養食而瘦自汗大便硬小便數叔和云口乾飲水多饑虛痺成為消中者是也以調胃承氣湯二黃丸治之下消者煩渴引飲耳輪焦乾小便如膏叔和云焦煩水易虧

三消 五十四

此腎消也以六味地黃丸治之總錄所謂未傳能食者必發腦疽背癰不能食者必傳中滿鼓脹皆為不治之証也張潔古分而治之能食而渴者白虎加人參湯不能食而渴者錢氏白朮散倍加葛根治之上中既平不復傳下消矣先哲用藥厥有旨哉然臟腑有遠近亦宜斟酌如心肺位近宜制小其服腎肝位遠宜制大其服皆適其志所為故如過與不及皆誅罰無過之地也治斯疾者宜審焉

脉法

脉經曰厥陰之為病消渴氣上衝心中疼執饑而不欲食食則吐下之不肯止寸口脉浮而遲浮則為虛遲則為虛勞則衛氣不足遲則榮氣竭跌陽脉浮而數浮則為氣數則消穀而緊要畧作消是矣堅氣盛則溲數溲數則緊則堅緊數相搏則為消渴男子消

消渴

六十四

渴小便反多以致一斗小便一斗腎氣丸主之
心脉滑為渴滑者陽氣勝心脉微小為消痺消痺脉實大病

久可治懸小堅急病久不可治
脉數大者生沉小者生實而堅大者死細而浮短者死

丹溪曰養肺降火生血為主分上中下治

上消者肺也多飲水而少食大小便如常

中中消者胃也多飲食而小便赤黃

下消者腎也小便濁淋如膏之狀

○大法黃連天花粉二味為末藕汁人乳汁生地黃汁佐以蜜
姜汁為膏和二末留舌上徐徐以白湯少許送下能食者

加石膏

○猪肚丸

黃連 五月 麥門冬

知母

括婁根 各四

右為細末入雄猪肚內縫之蒸熟乘熱於石臼中搗爛如
乾加煉蜜丸如梧桐子大每服一百丸食後米飲下可以
清心止渴

○天花粉治消渴之聖藥也 凡消渴藥中大禁半夏及不可

發汗

○二消者瓊玉膏最妙 方見咳喘門

○和血益氣湯治口乾舌乾小便數舌上赤脉此藥生津液
除乾燥生肌肉

柴胡 炙甘草

生甘草

麻黃根 各三分

當歸稍 酒洗 知母 半斤 酒洗

黃連 八分 酒洗

黃柏 酒洗

石膏 六分 生地黃 酒洗

漢防己 酒洗

羌活 半斤

升麻 一升 杏仁 研六分

紅花 少許

桑仁 研六分

東

右細切作一服水二盞煎至一盞溫服忌酒醋熱濕麪
 ○當歸潤燥湯治小便多便秘澁乾燥結硬燥渴喜好溫飲
 陰頭退縮舌燥口乾眼澁難開及於黑處見浮雲
 細辛一分 生甘草 炙甘草 熟地黄各三分
 柴胡去芦 黃柏 酒洗 知母 酒洗 石膏
 桃仁泥 當歸身 麻仁 防風
 荆芥穗絡一升麻一升半 紅花少許 杏仁七七另研
 小椒三粒
 右細切作一服水二盞煎至一盞熱服食遠忌辛熱物
 ○生津甘露湯一名清涼飲子治消中能食而瘦口苦乾
 汗大便結燥小便頻數
 升麻四分 防風去芦 生甘草 漢防己
 生地黄各三分 當歸身六分 柴胡 羌活

炙甘草

酒草龍胆

桃仁五个另研

右細切作一服水二盞煎至一盞加酒一匙稍熱服

○辛潤緩肌湯一名清和補氣湯前消渴証絕愈止有口乾

腹不能努此藥主之

生地黄

黃柏酒洗

柴胡去芦

桃仁泥

小椒一粒

右細切作一服水二盞煎至一盞稍熱服食遠

○生津甘露飲子治消渴上下發冷麻舌根強硬腫痛食不能

黃芪

石膏

杏仁十个研

酒知母

黃柏絡一升 紅花少許

熟地黄

生甘草

荆芥穗絡一升麻一升半

杏仁六个另研

防風各一升

石膏四分

知母各半升

紅花少許

下時有腹脹或泄黃如糜名曰飧泄渾身色黃目睛黃甚四肢痿弱前陰如水尻髀腰背寒面生蠟色脇下急痛喜噫喜怒不常健忘

藿香二分 柴胡

黃連

木香各三分

白葵花

麥門冬

當歸身

蘭香各五分

蓮澄茄

生甘草

山梔子

白豆仁

白芷

連翹

姜黃各一分

石膏一分二分

杏仁 去皮

酒黃柏各一分半

炙甘草

酒知母

升麻

人參 各二分

桔梗 三手

全蝎 五个 去毒

右為細末湯浸蒸餅和勻成劑捏作片子日中晒半乾擦碎如黍米多每服一錢津灌下或白湯送下遠服

煉黃芪飲治二消

黃芪 續服

炙甘草 一分

每服二錢水煎服

○六味地黃丸 方見虛損門

○人參白朮湯治胃膈瘴熱煩滿飢不欲食瘵成為消中善食而瘦燥熱甚而成消渴多飲水而小便數兼瘵一切陰虛陽實風熱燥鬱頭目昏眩中風偏枯酒過積毒腸胃燥澁併傷寒雜病產後煩渴氣液不得宣通

人參

白朮

當歸

芍藥

大黃

梔子

荊芥穗

薄荷

桔梗

知母

澤瀉 各五手 茯苓

連翹

括婁根

乾葛 各一刃 甘草 三刃

藿香葉

青木香

官桂 各二手 石膏 四刃

寒水石 二刃 白滑 半斤

右為細末每服抄五錢水一盞入盆砂半兩生姜三片煎至半盞絞汁入蜜少許溫服漸加至十餘錢得臟腑流利

取効如常服以意加減如腸胃鬱結溫熱內甚自利者去
大黃芒硝服

垣東 ○絳雪散治消渴飲水無度小便數者大有神効

黃芩 黃丹 漢防已 括萎根 各等分

右為細末每服二錢溫漿水調下臨卧時併進三服即止

垣東 ○入參散治賢消善飲而食小便頻數白濁如膏

入參一分 白朮 澤瀉 括萎根

桔梗 梔子 連翹 二分 葛根

黃芩 大黃 薄荷 白茯苓 各五分

甘草七分 石膏一朮 滑石 寒水石 各一朮

縮砂 右細切作一服為末水一盞半煎至三盞入蜜少許再煎

三兩沸腎道食前上消食後服

間河 ○大黃甘草飲子治男子婦人一切消渴不能止者上

大豆五升先煮二三沸 大黃一朮半 甘草四朮長四

右用井水一桶將前藥同煮三五時如稠強更添水煮豆

軟煮為度盛於盆中放冷令病人食盡渴飲湯汁無時候

食盡如燥渴止罷藥未正依前再煮食之不過三劑其病

悉愈

間河 ○麥門冬飲子治心移熱於肺名曰膈消心膈有熱久則引

飲為消渴

麥門冬一朮 括萎根 知母 甘草

五味子 生地黄 人參 葛根

茯苓各半 右細切作一服加竹葉七片用水一盞煎至七分溫服

○丹溪活套云二消者多屬血虛不生津液俱宜四物湯為主

治上消者本方加入參五味子麥門冬天花粉前入生藕
 汁生地黃汁入乳飲酒入加生葛汁○中消者本方加知
 母石膏滑石寒水石以降胃火○下消者本方加黃柏知
 母熟地黃五味子之類以滋腎水又間當飲繅綠湯為上
 策

○經驗原蚕蠶湯治腎消白濁及上中二消餓渴不生肌肉其
 効如神蓋此物屬火有陰之用大能瀉膀胱中相火引陰
 水上潮于口而不渴也
 原蚕却再養晚蚕也其繅綠湯極効如無繅綠湯以蠶穀
 綠繅剪湯皆可代之

醫國文正傳卷之五終

86
4925

